



La Géorgie

Indépendante

Revue mensuelle

JUILLET

1933—№ 91

ოკლიბო

1933 წ.

№ 91

# დავით აღმაშენებლის სახელობის საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ე ბ ა რ ტ ი ე ბ ი ს ო რ გ ა ნ დ .

## შ ი ნ ა ა რ ს ი :

მეთაური—აღარ არის საელჩო.  
 გენო—აფხაზეთი უახლოეს წარსულში და დღეს.  
 მ. მუსხელიშვილი—საქ. დამოუკ. და კავკ. ერთობა.  
 წერილი საქართველოდან.  
 მეტი სიფრთხილე, მეტი წინდახედულება.  
 ალვა—საბჭოთა კავშირის ცხოვრებიდან.

მ. უ.—რა გზებით?  
 პოლონეთის პრესიდან.  
 ერთა ლიგის დამხმარე ქართული საზოგადოება.  
 კავკასიის დამოუკიდებლობის კომიტ. მოწოდება.  
 ს. მ.—ჩვენი დიდი მეგობრის იუბილე.  
 X.—პარმენ გამყრელიძე.

## ა ლ ა რ ა რ ი ს ს ა ე ლ ჩ ო .

აღარ არის საელჩო, საქართველოს სრულუფლებიანი საელჩო, ქართველი ერის უზენაესობის სიმბოლო, მისი დროშა, სახელმწიფო ღერძი.

მტერმა გვძლია—ვიქონიოთ გამბედაობა ვალია—როთ ქვეყნის წინაშე, როგორც ეს სჩვევია ჩვენს მამავლინებელ გმირ ქართველ ერს.

მტერმა გაიმარჯვა ამ უსწორო ბრძოლაში, რომელიც თორმეტი წელიწადი და ხუთი თვე წარმოებდა. აუწერელია, ერთ დროს აიწერება, როგორ ვერაგულათ, განუწყვეტლივ, წამდაუწუმ, უფრო მალულათ ვინემ აშკარათ,—ებრძოდა მტერი საქართველოს საელჩოს. პირველ დღიდანვე, ტფილისის ჩვენი ჯარების მიერ დატოვებიდან, საქართველოს სრულუფლებიან ელჩის მიერ საფრანგეთის პრეზიდენტისათვის რწმუნების ბარათის გადაცემიდან, მომხდართ ერთსა და იმავე დღეს—25 თებერვალ 1921 წლიდან, მტერი მიმართავდა ათასნაირ ხერხს, სიყალბეს, სიცრუეს, სიდაბლეს, რათა მოეხსნათ სამფეროვანი დროშა ერთ ნაპერ ტერიტორიაზედ, პარიზში, პატარა საქართველოდ რომ იწოდებოდა.

გავიხსენოთ მარტო ერთი ეპიზოდი. პირველ იანვარს 1925 წელს, როცა დიპლომატიური კორპუსი წარუდგა პრეზიდენტს ელისეს სასახლეში, საახალწლო მიმლოცველთა შორის ერთი, ერთის მხრით, საბჭოთა ელჩი, მეორეს მხრით, საქართველოს ელჩი. დამსწრე ელჩნი და მათი ხელქვეითნი გაკვირვებით უცქეროდნენ ერთსაც და მეორესაც, მაგრამ ყველაზე

უფრო სახტათ კრასინი დარჩა, მოსკოვის პირველი ელჩი. როგორ!—სწერდა ის თავის დაშიფრულ ტელეგრამაში მოსკოვისადმი, ჩვენ გვიცნეს, ჩემ მიერ წარდგენილ რწმუნების ბარათში ჩამოთვლილია კავშირის ყველა რესპუბლიკები, მათ შორის «სოციალისტური საბჭოთა საქართველოც», რეზერვი არავის გაუკეთებია, და, მიუხედავად ამისა, ეროვნულ საქართველოს ელჩი იქვე იყო! ამ სირცხვილს ვერ ავიტან, განმათავისუფლოთ თანამდებობიდან—ემუდარებოდა კრასინი თავის მთავრობას.

ამ რიგათ, შეიქმნა არაჩვეულებრივი მდგომარეობა: საქართველოს თითქო ორი ელჩი გაუჩდა, ერთი ტფილისიდან, მეორე მოსკოვიდან! კრასინი შესცვალა რაკოვსკიმ და უკანასკელი—დოგვალიევსკიმ, ე. ი. ცხრა წლის განმავლობაში კავშირის და საქართველოს ელჩნი, ეს ორი ანტიპოდი, დღემუდამ ესწრებოდნენ ყველა სახეიმო ცერემონიებს, და არაჩვეულებრივი თითქო ჩვეულებრივად, ბუნებრივად იქცა. არ გვაგნებს გავიხსენოთ, საფრანგეთმა კიდევ მოსკოვის ცნობამდე მოხსნა «რუსეთის» ელჩი მაკლაკოვი.

საქართველოს სხვაგანაც ჰქონდა ჩაელჩონი: ანკარაში, ბერლინში, ვარშავაში, ლონდონში, რომში, მეზობელ რესპუბლიკებში და უკრაინაში, რა თქმა უნდა (არ ვასახელებთ სხვა ქვეყნებს, სადაც მას უფლება ჰქონდა გაეხსნა საელჩონი), მაგრამ არსად ისე ხანგრძლივ არ უარსებნია მის საელჩოს, არსათ იმ-

დენი ბრძოლა არ გაწეულა მის ირგვლივ, არსათ ბრძოლას ისეთი მწვავე, დრამატიული ხასიათი არ მიუღია, როგორც საფრანგეთის დედაქალაქში.

იენისის ნომერში მკითხველი გაეცნო პალატის ანგარიშს, მის კომენტარებს, მაშ არ გვეჭირვება განმეორება, აღვნიშნავთ მხოლოდ ერთ მომენტს, ამ ნომრისთვის შემონახულს. არც ერთ დეპუტატს, გარდა კომუნისტ დორიოსი, არ დაუხვამს პირდაპირ კითხვა საელჩოს მოხსნაზე, მას განზრახ გაუბრუნდნენ, ქარაგმით უთითებდნენ მდგომარეობის შეცვლაზე, უცხადებდნენ ქართველ ერს თანაგრძნობას, ამხნეებდნენ, არ ეჭვობდნენ მის მომავალში. ბევრი სხვა დეპუტატი, გარდა ამისა, ვისაც გამოსვლა აღუქმული ჰქონდა, არ გამოვიდა, სდუმდა მთავრობაც.

შეიძლება ბევრიანი ახსნა მიეცეს ამ მოვლენას: თავაზიანობა, მორცხვობა, სულგრძელობა. ვახსენებთ, ჯერ თვით თავდაუხსმელობის პაქტშიც საქართველოს საელჩო არ იყო ხელდადებით ნახსენები. ცნობილი პროფესორი ლუფური, როგორც მკითხველს ახსოვს, იმასაც ამტკიცებდა, და დაამტკიცა კიდევ, რომ პაქტი საელჩოს სულაც არ ეხებათ. თუმცა... ვიცოდით ოფიციალურათ, რომ პაქტის ძალაში შესვლა გულისხმობდა საელჩოს მოხსნას! იმდენათ ვიცოდით, რომ შარშან სწორეთ ივლისში, საქართველოს ელჩმა შემდეგი ფრაზა იხმარა, მთავრობის თავმჯდომარის და საგარეო მინისტრ ერიოსთან დარბაზობის დროს: რაოდენ ტკბილია მანვე მოგკლას, ვინც დაგბადა! რასაკვირვლია, საელჩო ქართველობამ დაბადა; საფრანგეთი, თუ გნებავთ, მიმრქმელი იყო, მაგრამ როგორი! როცა მან მოსკოვი იცნო, ოქტომბერს 1924 წ., და ეს ხომ იგივე ერიო იყო, მან დასტოვა საელჩო და თითქმის ცხრა წელიწადი იარსება მას შემდეგ. მაშ ერიო მეტი იყო, ვინემ მიმრქმელი. სავალალოთ, საქართველოს ტერიტორიის მტრისაგან დაჭერის შემდეგ ჩვენს ერს არ ჰქონდა ფორმალურათ საშუალება მეტი ხანი მიეცა საელჩოსთვის, ეს იყო დამოკიდებული მარტოოდენ საფრანგეთისგან, მის მთავრობისგან.

საფრანგეთმა თავის ნებით გაახანგრძლივა საელჩოს არსებობა, არ შეეპუა მტრის დაჟინებულ მოთხოვნებს, ხშირათ მუქარებსაც, და მთელი მოაზროვნე ფრანგის ერიც, კომუნისტთა გარდა, იწონებდა რესპუბლიკის სხვადასხვა მთავრობათა ასეთ მტკიცე პოზიციას. დიპლომატიის ისტორიაში—სწორს საქართველოს ელჩი თავის უკანასკნელ ნოტაში საფრანგეთის მთავრობისადმი—ამათ ეძებთ მეორე ასეთ ბრწყინვალე მაგალითს; გაივლის წლები, ბევრი

წლები, ხოლო ვერავითარი ძალა ვერ ამოგლეჯს ქართველ ერის გულიდან ფრანგი ერის ამ განსაკუთრებულ მეგობრულ მოპყრობას.

მაშ როგორ მოხდა—შეიძლება გვეკითხონ—, თუ ყველანი მხარს გიჭერდნენ, რატომ მოხსნეს საელჩო? მკითხველის გაკვირვება უფრო გაიზრდება, როცა გაიგონებს, რომ მოსკოვი იმდენათ დაინტერესებული იყო პაქტის მიღწევაში, რომ მასხედ ხელის მოწერის აუცილებელ პირობად არ მოითხოვდა საელჩოს მოხსნას! იმავე ივლისში შარშან საქართველოს ელჩი წერილობით და სიტყვიერათ ეუბნებოდა ერიოს: სარწმუნო წყაროებიდან გავიგე, რომ საელჩოს მოხსნის მოთხოვნა მოსკოვის ჩვეულებრივი დემანგოვიაა, თორემ სინამდვილეში ის არ უკავშირებს პაქტის და საელჩოს ბედს ერთმანეთს.—გთხოვთ ამიტომ შეამოწმეთ, სამინისტროს საშუალებით, ეს ცნობა და, თუ იგი სწორი გამოდგა, მე არ ვეჭვობ, რა დასკვნას გააკეთებთ. მე ეს არ ვიცი! მე ეს არ ვიცი!—აღელვებით უპასუხა ერიომ ელჩს.

ჩვენ კი დარწმუნებული ვართ—ეს მან იცოდა, ცნობა უკვე შემოწმებული ჰქონდა სამინისტროს და არ შეიძლება მინისტრს არ სცოდნოდა! მაშ რაშია საქმე? ამის ახსნა თვით ერიომ მოგვცა თავის დიდ გამოსვლაში 18 მაისს პალატის ტრიბუნიდან. დღეს კი არაა საჭირო სიტყვის გაგრძელება. ლიტვინოვის პარიზში ჩამოსვლა, «გულითადი» დარბაზობა დალაღიე-ბონკურთან, მათი «სოლიდარობა» ევროპის აქტიუალურ კითხვებზე. აღმოსავლეთ ევროპის ახალი ორიენტაცია მოსკოვის მიმართ, რა თქმა უნდა, საფრანგეთის ხელმძღვანელობით,—ყველა ეს და ბევრი სხვაც საჭიროზე მეტ ახსნას იძლევა, რატომ მოხსნეს საელჩო. საფრანგეთმა თვითონ გამოიჩინა მეტი თაოსნობა ამ მხრივ, არ სურდა რამე «ბნელი წერტილი» დარჩენილიყო მის განწყობილებაში საბჭოთა კავშირთან.

მეორეს მხრით, ცნობილია, რომ მემარცხენე რადიკალები, რომელთა მეთაური თვით მთავრობის თავმჯდომარე დალაღიეა, ყოველთვის მოითხოვდნენ მოსკოვთან დაახლოებას; და მათი პუბლიცისტი პიერ დომინიკი, ავტორი საქართველოს გამქიქავ წიგნისა, დროსა და ძალას არ ზოგავდა ამისათვის პარტიის ცენტრალურ ორგანო «რესპუბლიკა»-ში. მემარჯვენე ფრთაც არაფრით განიჩიოდა ამ კითხვაში მემარცხენეთაგან და მისმა მეთაურმა ერიომ მოსკოვშიც იმოგზაურა 1923 წელს, 1924 წელს კი იცნო ის, და უარს არ იტყვის ახალ მიპატიუებაზე ინახულოს მისი «მიღწევანი».

ინტერნაციონალის ბოლშევიზიანობა ამ უკანას-



კნელ დროს და მის ერთ სექციის, საფრანგეთის სოციალისტურ პარტიის ძალზე მარცხნივ გადახრა სავსებით გვიმარტავს, რატომ არ გამოიღო თავი მისმა ფრაქციამ, ისე როგორც 1924 წელს, საელჩოს სახსნელათ. მას იმდენათ აინტერესებდა «დიდი კითხვა»—პაქტი, რომ «პატარა კითხვას»—საელჩოს სათანადო ადგილი ვერ დაუთმო... და ეს არ დაუშლავს რენოდეუს კერძო ბაასში, თვითონაც ძლიერ უკმაყოფილოს.

ჩვენ ღრმით დარწმუნებული ვართ, რომ საფრანგეთი ცდება, მოსკოვთან დაახლოვება ვნების გარდა არაფერს მოუტანს მას, მაგრამ ერთია ჩვენი რწმენა და მეორე—საფრანგეთის საგარეო პოლიტიკა... უკანასკნელი ჩვენ არ გვეკითხება.

მაგრამ არის მეორე კითხვა, გაცილებით უფრო მნიშვნელოვანი: ნიშნავს თუ არა საელჩოს მოხსნა საფრანგეთის მიერ საქართველოს ცნობის უკან წაღებას? არას შემთხვევაში. ასეთი განცხადება არ გაუკეთებია არც მთავრობას, არც საგარეო სამინისტროს. პირიქით, პაქტის ხელის მომწერმა ვერიომ, ჯერ კიდევ როცა ის მთავრობის თავმჯდომარე და საგარეო მინისტრი იყო, გარკვევით გამოუცხადა საქართველოს ელჩს და შემდეგ განიმეორა პალატის გარეშე საქმეთა კომისიაში, როგორც მისმა თავმჯდომარემ: საქართველო ჩვენს თვალში დამოუკიდებელი სახელმწიფოა და ასეთად დარჩება; მისი პირველი ანექსია არ უცვნია წინანდელ საფრანგეთს, არც მეორე ანექსიას იცნობს, თავის თავთ იგულისხმება, დღევანდელი საფრანგეთი. თქვენ გახსოვთ ანგარიშიდან, რენოდელმა განიმეორა იგივე დებულება პალატაში და დალაღიებონკური არ შებრძოლებიან მას.

ამ კითხვას თავისი ისტორიაც აქვს. როცა ჯერ ინგლისმა და შემდეგ საფრანგეთმა იცნეს საბჭოთა მთავრობა, მათ რეზერვი გააკეთეს საქართველოს სასარგებლოთ. მანამდისაც, მაგ., როცა პოლონეთმა, გერმანიამ და სხვებმა იცნეს იგივე საბჭოთა მთავრობა, არ განუცხადებიათ, რომ საქართველოს ცნობა უკან მიიქვით. ეს არც ესპირობებოდათ, რადგან თვით საბჭოთა მთავრობა არწმუნებდა მათ, რომ საქართველო დამოუკიდებელი სოციალისტური საბჭოთა რესპუბლიკა არისო. გაიხსენეთ, ლოზანის კონფერენციანზედ ჩიჩერინის მოთხოვნით იქნა საქართველო ოქმებში შეტანილი, როგორც დამოუკიდებელი სახელმწიფო.

ამის შემდეგ საბჭოთა კავშირი დაარსდა და საქართველოც შივ შეათრის ძალათ, მაგრამ უფლებრივით არც ამით შეცვლილა მდგომარეობა. საბჭოთა მთავრობას საქართველოსთან დადებული ხელ-

შეკრულება, 1920 წ., არ გაუუქმებია, ის ძალაში ითვლება და ძალათ გასაბჭოებული საქართველო სწორედ მას ემყარებოდა, როცა ახალ ხელშეკრულებათ სდებდა ჯერ ამიერ-კავკასიის ფედერაციაში, შემდეგ საბჭოთა კავშირში შესვლის შესახებ. კავშირის კონსტიტუციის მეოთხე მუხლიც ხომ იმ დებულებიდან გამოდის, რომ კავშირში შემავალი ყველა რესპუბლიკები თავისუფალი არიან და შეუძლიათ, როცა მოეპოვიანებათ, იქიდან გავიდნ!

სიტყვა გაგვიგრძელდა, უფლება და ლოლიკა ერთია, ხოლო სინამდვილე—მეორე. ქართველი ერი გმინავს უცხოეთის უღლის ქვეშ, მას ხელიდან გამოაცალეს თვით ფიზიკური არსებობის უფლებაც. მაშასადამე, ამოცანა იგივეა დღეს, რაც გუშინ იყო: ერის გადარჩენა ამ განსაცდელისაგან. რა არის ამისათვის, უწინარეს ყოვლისა, სასწირო, აუცილებელი, სასწრაფო? ქართველ ერის ყველა სასიცოცხლო ძალების გაერთიანება როგორც შინ ისე გარეთ, მათი დარაზმვა ერთ მთლიან ეროვნულ ფრონტში და გაათქვეცებული ენერგიით ბრძოლის განგრძობა დამოუკიდებლობის აღდგენისათვის.

ნურავინ დაიჩემებს, მოსკოვის დაახლოვება საფრანგეთთან, სხვა სახელმწიფოებთან მისი ძლიერებით აიხსნება. დააკვირდით შორეულ აღმოსავლეთის ამბებს და თქვენ დარწმუნდებით, რომ სტალინის დიქტატურა თავის არსებობის უკანასკნელ სტადიაშია. მოსკოვი ემორჩილება იაპონიის კარნახს, ემუდარება თავდაუსხმელობის პაქტის დადებას, ხოლო დასავლეთით ის ბითუმით სდებს პაქტებს მეზობლებთან, ბესარაბიასაც კი ივიწყებს, ოღონდ თავი დააღწიოს შეიარაღებულ შეტაკებას, პირველ სიგნალს რეჟიმის დამხობისა.

ევროპაში ამ ჟამად დიდი გადაჯგუფება ხდება სახელმწიფოთა და ერთა, არავინ იცის, რას მოგვიტანს ხვალინდელი დღე, თითქო დაჯუბრუნდით დიდი ომის წინა წლებს... აქედან ერთად ერთი დასკვნა ისაა, რომ გვემართებს უდიდესი სიფრთხილე, ცხრაჯერ გაზომვა, ერთხელ გადაჭრა, გამყრანობა, გამბედაობა, რათა ქართველმა ერმა, მეზობელ და სხვა ჩაგრულ ერთა გვერდით, შეუბრძოლებლათ განაგრძოს თავისი ეკლიანი გზა თავისუფლებისაკენ.

საქართველოს საელჩო მოიხსნა, მაგრამ ამით არ იხსნება საერთაშორისო ასპარეზიდან ქართული კითხვა. ის დგას ყველა მთავრობათა წინაშე, რომელთა დღეეგატებმა ორჯერ დაავალეს ერთა ლიგის საბჭოს, ენევაში, გამუდმებით იზრუნოს, «საერთაშორისო უფლების თანახმად», რათა საქართველო დაუბრუნდეს «ნორმალურ მდგომარეობას», ე. ი. დამოუკიდებელ არსებობას.

აფხაზეთი უახლოეს წარსულში და დღეს

(წერილი საქართველოდან)

VI. «ხოვზღები» და მუშათა მდგომარეობა.

საბჭოთა მეურნეობანი («სოფხოვნი») გადაიქცენ დღეს რუსეთიდან გადმოხვეწილ მუშების და გლეხების «თავშესაფარ» ადგილათ, სადაც ამ განაწამებ ხალხის ექსპლოატაცია განუზომელია და დაუჯერებელი. ამის საიულისტრაციოდ მოვიყვანთ ერთ მაგალითს. გუდაუთასთან ახლოს არსებობს საბჭოთა მამული, ე. წ. «საგარეუბნო მამული». რას წარმოადგენს იგი თავისთავად და მუშებისათვის?

ეს მეურნეობა გაშენებულია 60 ჰექტარზე. მთავარი დარგი არის მებოსტნეობა. მისი დანიშნულებაა გუდაუთის და ნაწილობრივ სოხუმის მომარაგება ბოსტნეულით. ყოველ დღე მუშაობს 100-დან 150 კაცამდე. შტატში ითვლება 9 ადმინისტრატორი და ექვსი მუშა. დანარჩენები მუშაობენ დღიურად ან ნარდად. როგორც დღიურებისათვის, ისე შტატში მომუშავეებისათვის სამუშაო დრო დაწესებულია 10 საათი. ეს არ კეთდება ჩუმათ. ათი საათის სამუშაო დრო შეტანილია კოლექტიურ ხელშეკრულებაში და იგი დამტკიცებული და მიღებულია აფხაზეთის კოლმეურნეობათა ცენტრის და შრომის კომისარიატის მიერ (10 საათის სამუშაო დღე აფხაზეთში გამონაკლისს არ შეადგენს. მას სისტემატიურად ატარებენ საქართველოს მსხვილ წარმოებშიაც. მაგ. რიონჰესში ათი საათის სამუშაო დღეა და ეს მაშინ, როცა საბჭოთა კავშირი ევროპას რვა საათის სამუშაო დღეს უწუნებს და შვიდი საათის ლონჯონს ისვრის). დღიური ხელფასი ათი საათის შრომისათვის ეძლევათ 3 მან. შტატში მყოფის საშუალო ხელფასია—90 მან. მუშების უმრავლესობა დებულობს—85 მან. კილო პური ეძლეოდათ 25 კაპ. მაგრამ 1 მარტამდე აძლევდნენ მუშას 1 კილოს დღეში. მარტიდან 10 ივნისამდე—800 გრამს; 10 ივნისიდან მუშა დებულობს 600 გრამს, ხოლო მის კმაყოფაზე მყოფი კი 200 გრამს. იხდიან ობლიგაციების ფულს, საშემოსავლო გადასახადს, საბინაო მშენებლობისათვის, კულტურულ გამოსაღებს და სხვ. ყველა ამ გამოკლებების შემდეგ მუშას რასაკვირველია არაფერი რჩება, გარდა ვალისა. სამრეწველო საქონელი მუშებისათვის დიდი ხანია არ არის. მაისის ბოლო რიცხვებში მოიტანეს იაფ-ფასიანი შარვლები და ხალათი, რომელიც 7 მან. ღირდა. მაგრამ აქ ის შვიდ დღეს არავის უტარებია, რადგანაც დამპალი ძაფით ნაკერი და ნაქსოვი დაირღვა და დაცვდა. ასეთი შემთხვევა, როცა რაიმე სამრეწველო საქონელი მოდის, წელიწადში ერთია, ან ორი და ისიც ასეთი შედეგით.

25 მაისიდან გუდაუთის «სოფხოვნი» გადადის სანარდო სისტემაზე. საკვირველი ის არის, რომ აქ არ არის მტკიცე ნორმები, რომლის მიხედვით განსაზღვრული სამუშაოსათვის განსაზღვრულ თანხებს იხდიდნენ. ეს ნორმები ყოველ დღე იცვლება წარმოების სასარგებლოდ და დაქირავებულის სახარალოდ. მაგ.

მიღებული სამუშაო ნორმის მიხედვით მუშების 10-15 პროც-მა გამოიმუშავა 5-6 მან. 10 საათის განმავლობაში. ასეთ შემთხვევაში ნორმებს ადიდებენ, ხელფასს ამცირებენ და ცდილობენ მუშამ 3 ან 4 მანეთზე მეტი მაინც ვერ გამოიმუშაოს. ამ რიგად სანარდო სისტემა ეს არის ყველაზე საუკეთესო ხერხი მუშების ექსპლოატაციისათვის. როგორც ცნობილია, ამასვე აღიარებდა კ. მარქსი, მაგრამ იგი არ ახსოვთ ლენინელ ბოლშევიკებს—სანარდო სისტემის მეორე ავტორებს. გარდა ამისა, სანარდო სისტემაში შრომის ნორმებს იმუშავენენ კაბინეტებში მოგების სურვილით გაბერილი ბოლშევიკები. ხშირად ერთი დღის სამუშაო ნორმა ისე დიდია, რომ მისი შესრულება 2 დღესაც არ შეიძლება. მაგრამ ამას არავინ დაგიდევს. ნორმალურ პირობებს და მასიურ შემთხვევებს აქ განზე ტოვებენ, რჩება მხოლოდ «ახალი ბატონების» საკუთარი თვალსაზრისი და სურვილი. რაც შეიძლება მეტი გამოსწოვონ მუშას ენერგია და მით საკუთარი კეთილდღეობა დაიკვიდრონ.

დადგენილებების ხშირი ცვლა და ცხოვრების პირობების სწრაფი გაუარესების გამო მუშები გარბიან ერთი წარმოებიდან მეორეში, ერთი რაიონიდან მეორეში და ეს იმდენად ბუნებრივი და მასიურია, რომ აქ ხშირად შეხვდებით მუშას, რომელსაც ამ ხეტიალში ლუკმა პურისათვის და «დაკარგულ ბედის» ძიებაში მთელი საბჭოთა კავშირი მოვლილი აქვს ფეხშიშველს, დაფხრეწილს და მშიერს. ეს არის მიზეზი, რომ წარმოებას არსად საბჭოთა კავშირში თვისი კადრი არ შეუქმნია. მაგ. ამავე გუდაუთის საგარეუბნო მამულში 1932 წლის 24 მარტიდან 10 ივნისამდე 700 მუშა მოვიდა, იმუშავა 2-7 დღე და წავიდა. იმ 150 კაციდან, რომელიც ყოველ დღე მუშაობს, აქ სისტემატიურად მუშაობდა მხოლოდ 9 კაცი. დანარჩენები მივიდოდნენ, იმუშავენდნენ და, როგორც კი მოაგროვებდნენ ბილეთის ფასს გზის გასაგრძელებლად, მაშინვე მიდიოდნენ. ხშირად შეხვდებით «მოგზაურს» მოხუცებს და ქალებს ფეხშიშველბს და მუშების თანხლებით, რადგან მოხუცებს სპეციალური ქალები ფული ყოველთვის ნაკლები აქვთ და ხშირად ბილეთის ფულსაც ვერ შოულობენ. ეს დენა და მოძრაობა იწვევს ხშირად მუშების ჭარბად მოსვლას. ხშირად კი წარმოება განიცდის მუშა ხელის ნაკლებობას. ამ გარემოების სალიკვიდაციოთ მუშას, რომელიც სამუშაოდ მოდის ართმევენ პირობით ხელწერილს, რომ ის ექვსი თვის გაბმავლობაში არსად წავა. პირობის სიმტკიცისათვის მუშას ერთმევა ყოველგვარი საბუთები და ინანება კანცელარიაში, მას კი ეძლევა ცნობა, რომ იგი არის მუშა და მიმაგრებულია თანახმად მისი სურვილისა ექვსი თვით. აქ ექვსი თვით «ამაგრებენ» იმიტომ, რომ მებოსტნეობას მეტი დროით მუშა არ სჭირდება. ხოლო ზოგიერთი წარმოება კი წლობით ამაგრებს მუ-



შებს, მაგ. მიმაგრება 5 წოდის ბლომდე და სხვა—სისტემათაა ქვეული. ხშირად მუშა პირობების გაუარესების გამო წარმოებას სტოვებს და უსაბუთებოთ გარბის, სად?—თითონაც არ იცის. ამ გარემოებამ წარმოშვა ე. წ. «უსაბუთო მუშების» ახალი წრე, რომელთა რიცხვი თანდათან იზრდება. ეს «უსაბუთო მუშათა» მოძრაობა რაღაც შინაგან კანონს ემორჩილება: ერთ ადგილს ცოტას შეიხვეწებენ; მერმედ გზას გაუდგებიან ახალი ტანჯვების განსაცდელათ, ხოლო მათ ადგილზე ახალი ტალღა მოდის და ასე დაუსრულებელივ გრძელდება მთელი კავშირის სივრცეზე მუშათა ტალღების მოძრაობა—მოგზაურობა. ეს ფაქტი იმდენად საერთო და ყოველდღიური გახდა, რომ ამას ვერც კომუნისტური განხეთქი მალავენ. მაგ. კ. მგელაძე თავის მოხსენებაში სოხუმში ჩატარებულ აფხაზეთის კომკავშირის კონფერენციაზე აცხადებს (რასაკვირველია რუსულ ენაზე): «31 წლის მარტის პირველ დეკადში ტყვარჩელაში წარმოებაზე მოვიდა 280 მუშა, ხოლო წავიდა 480. აპრილის მეორე დეკადში მოვიდა 218. წავიდა—185 კაცი» («საბჭოთა აფხაზეთი» 3 ივნ. 32 წ.).

ასე გარბიან და გამორბიან მუშები ცოტათი მაინც უკეთესი პირობების საძებნელად. ამ გადასვლა-გადმოსვლის გადიდებას, ხალხის მიერ ბედის საძიებლად ჩაჩნურ ხეტიალს, ბოლშევიკები და მათი ლაქიები ყრილობებზე მოხსენებებში მიღწევებით ასაღებენ და ამბობენ: წარმოების ზრდა და ქვეყნის კეთილდღეობა მასის მოძრაობას იწვევს და ეს არის მიზეზი ჩვენი ტრანსპორტის გადატვირთვის და იმ გარემოების, რომ მოსკოვში მთელი თვე სჭირდება ბილეთის შოვნას. აქვე მოყავთ ციფრები მგზავრობის გადიდების შესახებ და აღტაცებით ხვდებიან იმას, რაც შედეგია საშინელი გაჭირვების და მუშათა კლასის არაჩვეულებრივი შევიწროების. ბოლშევიკები აქ ხედავენ ისეთ მდგომარეობას, როგორიც იყო ევროპაში წარმოების აღორძინების და ხალხთა მოძრაობის პირველ ხანაში. მაგრამ იმას არ უწევან ანგარიშს, რომ მოძრაობა-მოგზაურობა აქ შედეგია წარმოების განადგურების, სოფლის მეურნეობის დაცემის, როგორც შედეგი მტაცებლური პოლიტიკის სოფლად და ბოლოს საშინელი ეკონომიური კრიზისის, რომლის მზგავსს არ ვანიცდის არც ერთი ქვეყანა, გარდა საბჭოთა კავშირისა.

უკანასკნელ ხანებში მომარაგება ძლიერ შესუსტდა ყოველგან. ამის მიზეზია მოგების დიდი სურვილი. მას შემდეგ რაც წარმოება გადავიდა ეგრედ წოდებულ სამეურნეო ანგარიშზე, ყველა დაწესებულება სპეკულიანტობს. ცდილობს, რაც შეიძლება მეტი მოგება ნახოს. კოლპერატივებს ამ დიდი მოგების საშუალებას აძლევს კომერციული ფასები. მუშებს თუ მისცემს საქონელს, უნდა მისცეს მის ჯამგირთან ცოტათი მაინც შესაფერ ფასებში. მაგალუბრალად ტილას ხალათს მუშას მიყიდიან 9 მანეთად. ეს მუშისათვის ხელმისაწვდომია, მაგრამ იმავე ხალათს კოლპერატივი კომერციული ფასით გაასაღებს 32 მანეთად. მაშასადამე, თუ 9 მანეთიდან მას მოგება რჩება, მხოლოდ 1 მან. ესლა დარჩება ერთი ხალათიდან 24 მანეთი მოგება. ამ დიდი მოგების გა-

რანტიას ეწინააღმდეგება მუშისთვის საქონლის მიწოდება. ამის გამო მუშას საქონელს აღარ აწოდებენ და ყიდიან კომერციულ ფასებში. ამან გამოიწვია ერთის მხრივ მოგება, მაგრამ მეორე მხრივ ზარალი. კოლპერატივმა მოიგო—სხვა წარმოებებმა წააგო, რადგან ამას მოყვა მუშების გაქცევა ინდუსტრიულ წარმოებაში. ხშირად მუშა ინდ. მეურნეს ემსახურება მარტო საქმელისათვის. განსაკუთრებით, აფხაზეთში აუარებელ ქალს ნახავთ, რომელიც იხვეწება გემსახურებით და ხელფასად კვება მომეცითო. სახელმწიფო დაწესებულება კი მას ხშირად იმდენსაც არ აძლევს, რომ თავი გამოიკვებოს.

კოლპერაციის მიერ საქონლის გაძვირებამ და პურის ნორმების შემცირებამ—კიდევ უფრო გააძლიერა მუშების გაქცევა ინდ. მეურნეობაში. ეს იყო ხელისუფლების პოლიტიკის მარცხი. ამან გამოიწვია ხელისუფლების მხრივ შეტევა მუშათა კლასზე. ის შეეცადა შეექმნა ისეთი მდგომარეობა, რომ სახელმწიფო მეურნეობიდან მუშების ინდ. მეურნეობისკენ დენა შეეცვალა და პირი ებრუნებია მუშებისათვის ინდ. მეურნეობიდან სახელმწიფო მეურნეობისკენ. ამ მიზნის მისაღწევათ ხელისუფლებამ აქაც მიმართა ჩვეულებრივ სერხს—ძალადობას და მუშებს მიუსია ჩეკის რაზმები. 1 და 2 მაისი გარეგნულად მშვიდობიანად ჩატარდა. ამ დღეს ჩატარებული მიტინგები ხელისუფლებამ გამოიყენა დაზვერვის საშუალებად. ამ დღებში უკვე გამოყო ხელისუფლებამ რაზმები, შემდგარი ჩეკისტების, მილიციონერების, პარტიულ და აქტიურ კომსომოლებისაგან. ეს ხალხი ვაგზავნეს 3 მაისს სოფლებში და დაიწყა დაპატიმრება ყველა არა აფხაზის, რომლებიც სოფლად მუშაობდნენ. არ ტოვებდნენ დაუპატიმრებელს არც ერთ რუსს. აპატიმრებდნენ არარუსებსაც: სომხებს, ქართველებს და სხვას. ადგილობრივი მცხოვრებთაგანი დააპატიმრეს მხოლოდ რამდენიმე იმ მიზნით, რომ საზოგადოება ვერ მიმხვდარიყო დაპატიმრების ნამდვილ მიზეზს. 1932 წლის 3 მაისიდან 6-დე აუარებელი ხალხი იქნა გარეკილი აფხაზეთის პატარა ქალაქებში: ვაგრაში, გუდაუთში, სოხუმში და სხვაგან. ამ დაპატიმრებებმა გამოარკვია, რომ უკანასკნელ ხანებში რუსების გადმოსახლების შედეგად აფხაზეთში თავი მოუყრია რამდენიმე ათასს გადმოხვეწილ რუსს. ზოგიერთ სოფლებში დაპატიმრებები დაიწყო 2 მაისს. აპატიმრებდნენ ქუჩაში, კინოში, ბაღში, წღვის პარად და ოჯახებში. სახელმწიფო დაწესებულებებში არ აპატიმრებდნენ, საერთო საცხოვრებლებში არ მიდიოდნენ, მაგრამ, თუ ქუჩაში გავიდიოდა მუშა რუსი, მას ხელს სტაცებდნენ და იქვე ამწყვდევდნენ. მუშები ადვილი საცნობია დღეს: დახეულ-დაგლეჯილი ტანისამოსი, ფეხშიშველი და გატანჯული სახე—ურყევი პასპორტია დღევანდელი «სოციალისტური სამოთხის» მუშის.

ამ დროს ქალაქი გუდაუთი მთლიანად ერთ დიდ საპატიმროს წარმოადგენდა. პატიმრებისთვის დანიშნული სარდაფები ვერ იტევდნენ ტუსალებს და ამიტომ დასჯირობა გახდა ლიხინის ქუჩაზე არსებული ღვიტის ძველი სარდაფი თავისი ენოთი სატუსალოთ გა-

დაექციათ. ეს უზარმაზარი სარდაფიც თავისი ენოთი გაივსო ტუსადებით. ტუსადებს თავს ადგენ მილიცია და ჩეკა. მოპყრობა საშინელი, მხეცური: აპატიმრებდნენ, უმთავრესად, ოჯახის უფროსებს და ახალგაზრდებს. ხშირად ქალებსა და მამაკაცებს ერთად ყრიდნენ სატუსაღოში. საინტერესო სანახაობას წარმოადგენდა, როცა მოყავდათ ეს გატანჯული ხალხი სოფლებიდან. მუშები სულ დატვირთული იყვნენ თავიანთი იარაღებით, ზოგს მოქონდა სიგრძის ხერხი, ზოგს უბრალო ხერხები, ზოგს სადურგლო ხელსაწყოები, ზოგს საღესი მოწყობილობები და სხვა. მორეკავდნენ და მშვირს ყრიდნენ სატუსაღოში. უკან ამ პატიმრებსა და დარაჯებს მოსდევდნენ დედაკაცები, ფეხშიშველი და ძონძებში გახვეული ბავშვები. პატიმრებთან არ უშვებდნენ და მათაც ისე ეპყრობოდნენ, როგორც დიდ ბოროტმოქმედს. ხშირად უხეში მოპყრობა ტუსადების მოთმინების ფილას ავსებდა. მაგ. 5 მაისს საღამოთი ლიხინის ქუჩაზე მოთავსებულ პატიმრებთან მყოფ მილიციელმა მუშტი გაართვა ქმრის სანახავად და საჭმელის გადასაცემათ მოსულ ქალს და მთელი დღის ფეხზე ნადგომი საბრალო ქალი იქვე ჩაიკეცა. ყველაფერი ეს ტუსადების თვალწინ მოხდა (ტუსადების ნაწილით ეზო სავსე იყო). ამ სურათის დანახვანე ტუსადებმა ქვებს ხელი დაავლეს და მილიციელებს დაუშინეს. საშინელი მარცნი აცილებულ იქნა მილიციის უფროსის შემხვევით გამოჩენით, რომელმაც ეს დარაჯები მოხსნა და აქ სხვები გადმოიყვანა.

ასეთი საწინდარი მოპყრობა ჩვეულებრივი ამბავია ჩვენში და რა გასაკვირია, თუ მაისის მასიური დაპატიმრების დროს ეს კიდევ უფრო გადიდდა.

7-8 მაისიდან დაიწყო ტუსადების აღრიცხვა: მათში უფრო თვალსაჩინო, წარმოსადეგი და შეგნებულნი, ხოლო არა ბოლშევიკი—გადაგზავნეს ჩეკის სარდაფებში; დანარჩენები დაიყო სამ კატეგორიათ: პირველ კატეგორიაში მოხვდნენ ყოფილი პარტიზანები, რომლებმაც ბოლშევიკობას და სოფელს თავი მიანებეს მას შემდეგ, რაც მთავრობამ ასეულ ფუთ პურიდან ათი ფუთი პური დაუტოვა; მეორე კატეგორიაში მოხვდნენ კოლმეურნეობის წევრები და მუშა-მოსამსახურენი, რომლებიც გამოექცნენ რუსეთში არსებულ ჯოჯოხეთურ პირობებს. მესამე კატეგორიაში მოხვდნენ ინდ. მეურნეები, რომლებმაც არ ისურვეს კოლექტივებში შესვლა; მიატოვეს სახლ-კარი უპატრონოდ და ცოლშვილით უსაბუთოდ გამოიპარნენ (თუ გინდ საბუთი ქონდათ, ეს საქმეს არ შეელოდა). ამის შემდეგ მუშები დაანაწილეს სხვადასხვა სახელმწიფო სამუშევრებზე და მისცეს წინადადება ემუშავნათ იქ, სადაც მიამაგრებდნენ. სოფლად ცხოვრების ნებას არავის აძლევდნენ, თუ იქ არ იყვნენ გავანინილი სახელმწიფო სამუშაოზე. ეს «ვერბოვკა» ათი დღე გაგრძელდა. ასე რომ ვინც 12-15 დღეში არ გამოუშვეს, იგი უკვე საბოლოო ტუსადათ ითვლებოდა და მათ მოელოდათ ციმბირი. ასეთი კი ბევრი იყო. უმთავრესად ამაგრებდნენ ისეთ სამუშაოზე, სადაც ხელფასი ძლიერ მცირე იყო და პირობები ცუდი და თავის ნებით არც ერთი მუშა არ მიდიოდა. ამით ხელისუფლებამ «გააკეთა» ორი საქმე: ერთ-

თის მხრივ მან გიდმოტეკა მუშები ერთი დაკვრით ინდ. მეურნეობიდან კოლექტიურ და საბჭოთა მეურნეობებში, და მეორეს მხრივ ცოტათი შეაჩერა რუსების მუძრობა რუსეთიდან. დაჭერის შიშით ბევრი ბრუნდებოდა უკან, ან აგრძელებდა გზას ბათუმამდე და მიდიოდა აღმოსავლეთ საქართველოსა და აზერბეიჯანში. ცნობილია, რომ ქართველებში რაჭველები ყველაზე უფრო დაფანტულნი არიან, რადგან რაჭას საქმაო პური არ მოდიოდა და, აი დღეს რაჭაშიაც კი აუარებელი რუსები გადავიდნენ ბედის საძიებლად.

ერთი თვის შემდეგ ეს დაპატიმრება დაავიწყდათ დაპატიმრებას შეჩვეულ რუსებს და დენა ინდ. მეურნეობისაკენ ისევ განახლდა მეტის სიძლიერით. სახ. წარმოებებში (სოფხებში) კვლავ შემცირდა მუშა ხელი, ხოლო ინდ. მეურნეობებში აუარებელი მუშები შეგროვდა. კვლავ უჩნდება სამუშაო ბოლშევიკების დოსტაქარს—ჩეკას. ფიქტობ მალე მაისის ტრადედია განმეორდება.

გენდ.

აფხაზეთი. 1932 წ.

**საქართველოს დამოუკიდებლობა და კავკასიის ერთობა \*)**

დიდი მღელვარებით ვიღებ სიტყვას, რომ დავიცვა თქვენს წინაშე საქართველოს დამოუკიდებლობის საქმე. ეს საქმე ღირსია დღეს უფრო, ვიდრე როდისმე, წარსდგეს განათლებული ქვეყნიერების სამსჯავროს წინაშე. 1918 წ. 26 მაისს საქართველომ, ერთ საუკუნეზე მეტის მონაბის შემდეგ, კვლავ აღადგინა თავისი დამოუკიდებლობა. ხოლო რამდენიმე წლის მერმე უცხო ჯარებმა ისევ დაიპყრეს და დაადვეს შეუწყნარებელი და საძრახისი უღელი. ასეთია ფაქტები, საჭიროა გარკვევა მათი იურიდული შინაარსისა; საჭიროა განსაკუთრებით განუქება იმის, რომ ფაქტივური მდგომარეობა, რომელიც კვლავ გრძელდება, მდგომარეობა ძალადობისა არაფერს სცვლის საქართველოს სახელმწიფოს იურიდულ ვითარებაში.

როგორ—შეიძლება ვინმემ იკითხოს: ვანა რომელიმე სახელმწიფოს იურიდულ ვითარებას მისი ფაქტივური მდგომარეობა არ განსაზღვრავს? ფაქტი ვანა აუცილებელი საფუძველი არაა უფლების? პოლიტიკური დამორჩილება ვანა არ სპობს სუვერენობას? ჩემის აზრით არა, და დავიმოწმებ საჯარო უფლების დიდს ავტორიტეტს, იურისტს იელინიკს. იგი ამბობს: «უნდა კარგად გავარჩიოთ თვალსაზრისი პოლიტიკური და თვალსაზრისი იურიდული. იურიდულ დამოუკიდებლობას შეუძლია სრული თანარსებობა პოლიტიკურ დამორჩილებასთან. ამ განსხვავებას. პრაქტიკული თვალსაზრისით; დიდი მნიშვნელობა აქვს; როცა სახელმწიფო იურიდულად

\*) მის. მუსსელომვილის სიტყვა ტრანსკლად წარმოთქმული პარიზში 26 მაისის დღესასწაულზე.



დამოუკიდებელია,—რაც უნდა ძლიერი იყოს მისი ფაქტივური დამოკიდებულება, იგი სუვერენულია და შეუძლია მოითხოვოს ყველა ის უფლება, რომელიც მას ეკუთვნის საერთაშორისო სამართალით».

ეს დებულება პირდაპირ შეეფერება საქართველოს. ძალით, ჯარების საშუალებით დაპყრობილს საქართველოს სრულებით არ დაუქარგავს სუვერენობის უფლებანი. გვინდა ეს განვმარტოთ ორიოდ სიტყვით.

საქიროა შორეულ ისტორიაში ჩახედვა? საქიროა გახსენება საქართველოს უსამართლო და ტლანქი ანექსიისა რუსეთის მიერ 1801 წ. წინამდევ საპროტექტორატო ხელშეკრულებისა, რომელიც დადებულ იქნა 1783 წ. ივლისის 24 საქართველოს სახელმწიფოსა და რუსეთის იმპერატორისა ეკატერინე მეორეს შორის? ამ ხელშეკრულების ძალით (მუხ. 2 და 6) რუსეთს უნდა დაეცვა საქართველოს მთლიანობა გარეშე თავდასხმისაგან. მაგრამ რა მოხდა? წინააღმდეგ ამ დაპირებისა რუსეთმა ცალმხრივი მოქმედებით შეიერთა საქართველო და ძალით დაუმორჩილა თავის მართველობას. ნურავინ იფიქრებს, რომ 1783 წ. პროტექტორატის ხელშეკრულებამ შელახა საქართველოს სახელმწიფოს სუვერენობა. პარიზის უნივერსიტეტის პროფ. Le Fur-მა ადვილად გაარკვია ეს საკითხი თავის წერილში (ამის თარგმანი ქართულადაც დაიბეჭდა). ანექსიის ერთად ერთი შედეგი ის იყო, რომ მან შექმნა წმინდა ფაქტივური მდგომარეობისა. იურიდული არსება დარჩა ურყევი; მართა ძალას არა შეუძლია რა უფლების წინააღმდეგ, ადრე თუ გვიან უფლება თავისას გაიტანს.

და ასეც მოხდა 1918 წელს: ბოლშევიკების რევოლუციას მოჰყვა რუსეთის მართველობის გაუქმება საქართველოში. საქართველოს სახელმწიფო აღსდგა—ახალი კი არ შობილა. ძველი სახელმწიფო კვლავ აღსდგა და გამოჩნდა საერთაშორისო სარბიელზე. მოხდა, რასაც უწოდებენ «საერთაშორისო იურიდულ პიროვნების აღორძინებას (რენესანს)» (იელინიეკი).

ამას მაინც დიდი მნიშვნელობა არა აქვს, ვინაიდან არავისთვის საეჭვო არაა საქართველოს არსებობა, როგორც დამოუკიდებელი სახელმწიფოსი 1918-1921 წლ. ყველამ უწყის, რომ იგი იცვნეს de jure ევროპის და სხვა ქვეყნის მრავალმა სახელმწიფოებმა. ხოლო უდიდესი მნიშვნელობა იმას აქვს, რომ თვით რუსეთმა იცნო საქართველოს დამოუკიდებლობა 1920 წ. მაისის 7 ხელშეკრულებით. აი რას ამბობს სახელმწიფო ან ხელშეკრულების პირველი მუხლი: «რუსეთი აღიარებს ყოველივე პირობის გარეშე საქართველოს დამოუკიდებლობას და სუვერენობას და უარს ამბობს სრული ნებით ყოველ სუვერენულ უფლებაზე, რომელიც ეკუთვნოდა რუსეთს ქართველი ერისა და მისი ტერიტორიის მიმართ. გარდა ამისა ამ ხელშეკრულებით რუსეთი ვალდებულია იღებდა, არ ჩარევოდა საქართველოს შინაურ საქმეებში. მაგრამ მიუხედავად ამისა რამდენიმე თვის შემდეგ რუსეთი თავის ჯარებით შეესია

საქართველოს და ცხარე ბრძოლებით დაიმორჩილა იგი. ამის მერმე საქართველო ს. ს. რ. კ-ის ფარგალშია მოქცეული.

ამგვარად ერთი საუკუნის ცოტა მეტის მანძილზე რუსეთმა ორჯელ უარპყო თავისი ხელის მოწერა და გათელა ფეხით საერთაშორისო ვალდებულება. ხელახლა სძლია ტლანქმა ძალამ უფლებას. ხოლო უფლება რჩება უფრო ცოცხალი, ვიდრე არასოდეს ყოფილა. საქართველოს სუვერენობა უარყოფილია ფაქტივურად, მაგრამ მაინც არსებობს იურიდულ თვალსაზრისით. უნდა აღინიშნოს ყოველის უწინააღრეს, რომ ქართველ ხალხს არასოდეს უცვნია ფაქტივურების ოკუპაციისა. საქამაო გავიხსენოთ 1924 წ. აგვისტო-სექტემბრის აჯანყება, რომელიც მხეცურად ჩაქრეს ოკუპანტებმა. ამის შემდეგ ამბობებამ თითქმის მუდმივი ხასიათი მიიღო, ხან აქ იფეთქებს და ხან იქ. ეს წინამდევობა საუკეთესო საბუთია რუსების ოკუპაციის უკანონობისა. მეორე მნიშვნელოვანი გარემოება უცხოელ სახელმწიფოების სხვა და სხვა საერთაშორისო აქტები, რომლითაც არ იცვნეს ს. ს. რ. კავშირის სუვერენობა საქართველოზე, ყველას ვერ დავასახელებთ აქ: საერთაშორისო კონვენციებზე (გენუასა და ლოზანაში) რუსეთის დელეგატი ამაოდ ცთილობდა ყოფილიყო მიღებული საქართველოს წარმომადგენელადაც. თვით ნაციონალიზამ არ იცნო საქართველოში შექმნილი ფაქტივური მდგომარეობა. ყურადღების ღირსია, რომ არც ცალკე სახელმწიფოები, არც ნაციონალიზამ არ სთვლიან კანონიერად რუსეთის შესევას საქართველოში.

უდავოა, რომ საქართველოს პოლიტიკური დამოკიდებულება არ ახდენს გავლენას მის იურიდულ მდგომარეობაზე. ტყვილად ცთილობენ ზოგიერთები ფაქტის ხანგრძლივობის გამოყენებას: მფლობელობამ რომ იურიდული სახეობა მიიღოს, მას ესაქიროება განსახლურული პირობები. არც ერთი ასეთი პირობა არ არსებობს საქართველოს ოკუპაციაში. ეს საუცხოვოდ გვიჩვენა იმავე Le Fur-მა.

ამ უქვევლ იურიდულ ვითარებას ზედ ერთვის ქართველი ერის მთლიანობის სიმძლავრე. ნუ დავივიწყებთ, რომ დღეს პირველად არაა, რომ ეს მამაცი და კეთილშობილი ერი მძიმე განსაცდელში იმყოფება. მისი ისტორია სავსეა ბრძოლებით თავდამსხმელების წინამდევ და ეს ბრძოლები ბოლოს და ბოლოს გამარჯვებით და განთავისუფლებით მთავრდებოდა. უცხოთა უღელი უცხო არაა ქართველებისთვის. მაგრამ ისინი არასოდეს მისცემიან სასოწარკვეთილებას. არასოდეს დამორჩილებიან მტერს და მათ ყოველთვის ასულდგმულებდა თავისუფლების წყურვილი და განთავისუფლების გადარევილობის იმედი. მუდმივ ბრძოლებში გამობრძმედილი ქართველი ერი გამოდის უფრო გაერთიანებული და ეროვნულად გაძლიერებული. ეს მთლიანობაა მისი დიდი ძალა და დიდი იმედი. იგი არასოდეს დაჰკარგავს ამ იმედს, დეე, გაიხსნოს ბედი მრავალი ერისა—ბერძნების, პოლონელების, ჩეხების, ირლანდელების და სხ., რომელთა შესძღეს თავის ეროვნულ ერთობის შენახვა ურიცხვ და მძიმე გასაქიროთა სიგრძეზე

და ბოლოს და ბოლოს დაიბრუნეს დაკარგული თავისუფლება.

არ შემიძლია, საქართველოზე რომ ვლაპარაკობ, არ მოვიგონო მისი მეზობლები—სომხეთი, აზერბეიჯანი და ჩრდილო კავკასია, რომლებიც ამგვარსავე უსამართლობას განიცდიან. ამათაც ჰქონდათ დამოუკიდებლობა, რომელიც ყველამ იცნო. მათ ასულდგმულვებთ წყურვილი თავისუფლებისა, რაიც მიზანია ყველა შეგნებულ ერისა. ესენიც გახდნენ მსხვერპლნი საბჭოთა ბუმბერაზისა, რომლის იმპერიალიზმს საზღვარი არ უჩანს.

დღეს კავკასიის ყველა ერები იმყოფებიან საბჭოთა ჯარების შეუწყნარებელ ბატონობის ქვეშ. ამ განსაცდელმა ჯკუა უნდა ასწავლოს მათ: საჭიროა კავკასიელთა ერთობა. ვინ იცის, ეგებ კავკასიის ბედი სხვანაირად დატრიალებულიყო, რომ ეს ერთობა განხორციელებული ყოფილიყო 1918 წ. ხოლო მაშინ კავკასიელთ გამოცდილება აკლდათ; უთანხმოების გამო კავკასიის რესპუბლიკები დანაწილებულნი იყვნენ. ამ მიზეზით დაიშალა ამერ-კავკასიის კონფედერაცია 1918 წ. აპრილის 22 გამოცხადებული. მიუხედავად ყველას სურვილისა, მიუხედავად საგანგებო კომისიის დანიშვნისა კავკასიის ხელშეკრულების შესამუშავებლად (კომისიაში ჩრდილო-კავკასიელნიც იღებდნენ მონაწილეობას), მიუხედავად ამიერ-კავკასიის სეიმის არსებობისა—ერთმანეთის გაუგებრობა ისეთი იყო, რომ დაშლა აუცილებელი შეიქნა. კავკასიის რესპუბლიკები ცალცალკე გადგნენ საკუთარ ინტერესების საზიანოდ.

დამარცხების შემდეგ კავკასიის სახელმწიფოთა კანონიერ მთავრობათა წარმომადგენლებმა 1921 წ. ივნისის 10 და ხელშეორედ 1924 წ. ოკტომბერში განაცხადეს მათი სახელმწიფოების ერთობის საჭიროება. დრომ თავისი გააკეთა და დღეს უკვე შემუშავებულია და მსჯელობის საგნადაა გამხდარი კავკასიის კონფედერაციის პაქტის პროექტი. იმედი ვიქონიოთ, რომ მსჯელობამ და მოლაპარაკებამ დადებითი ნაყოფი მოგვცეს და კავკასიის კონფედერაცია დამტკიცდეს ქალაქდზე და მერე ელირსოს რეალურ სიცოცხლე.

მაგრამ განა არ არსებობს უკვე ფაქტიურად ამიერ-კავკასიის ფედერაცია? ასეთი არაა უზარმაზარი ს. ს. რ. კავშირი? მაშ რისთვისდა მოვითხოვთ ახალი კავშირი და უარვყოთ, რაც უკვე არსებობს? ამის პასუხი ძნელი არაა: საბჭოთა ფედერალიზმი მხოლოდ გარეგნობაა, რომლის უკან ამოფარებულია სასტიკი დიქტატურა. სინამდვილეში ავტო დებულები დამოუკიდებელი რესპუბლიკები და ფედერაციები მოკლებულნი არიან ყოველ უფლებას და ხმაშეუბრუნებლივ უნდა დაემორჩილონ მოსკოვიდან ნაკარნახევ პოლიტიკას.

ფედერალიზმის ბუნება შეურიგებელია დიქტატურასთან, ერთი მეორის წინააღმდეგობაა: ფედერალიზმის არსებაა თავისუფალი თანამშრომლობა და სულიერი კავშირი. ფედერალიზმი ერთობაა და არა გაერთება. მართალია ს. ს. რ. კ. კონსტიტუცია ნებას აძლევს შემავალ რესპუბლიკას, თავისუფლად გამოე-

ყოს კავშირს, მაგრამ ფაქტიურად ეს განუხორციელებელია, რადგან რესპუბლიკათა მთავრობანი დამოკიდებულნი არიან ცენტრალურ მთავრობისაგან და კომუნისტური პარტია, რომელიც ერთად ერთი პარტიაა საბჭოთა მთელ ტერიტორიაზე, წარმოადგენს დისციპლინით მკაცრად შეერთებულ ერთს ბლოკს, სადაც მყისვე იქნება ჩაკლული ყოველივე სუსტი სურვილიც დამოუკიდებლობისა.

კავკასიის ერებს არ უნდათ ფიქტიური კავშირი. საეყო არაა, რომ როგორც დაეწოდა საბჭოთა ხელისუფლება, კავკასიის ერთობა აშენდებოდა სულ სხვა საფუძველზე, უფრო საღა და მტკიცეზე.

ფედერალიზმს ბევრნაირი სახე აქვს, ხოლო შეიძლება ყველა ფორმა ორ რიგად დავყოთ: ერთია სახელმწიფოთა კონფედერაცია, მეორე—ფედერალური სახელმწიფო. მათ შორის მნიშვნელოვანი განსხვავებაა. სახელმწიფოთა კონფედერაცია უფრო სუსტი კავშირია, რომელიც უკეთ იცავს შემავალ სახელმწიფოების სუვერენობას. ნაციათა ლიგა, თუ მხედველობაში არ მივიღებთ ზოგიერთს თავისებურობას, ამის საუკეთესო ნიმუშია. კავკასიის კავშირი უნდა იქნეს ამ ტიპის. კავკასიის კონფედერაციის პაქტი ამ მიმართულებითაა შედგენილი. მისი მიზანია განამტკიცოს კავკასიის რესპუბლიკათა დამოუკიდებლობა, ემსახუროს მშვიდობიანობას და განავითაროს საერთო კეთილდღეობა. შემავალ რესპუბლიკების სუვერენობა შეზღუდულია მხოლოდ იმ საგნების შესახებ, რომელთაც პაქტი ვარკვევით და გამორიცხვითი წესით გადასცემს კონფედერაციის ხელისუფლებას. ეს მნიშვნელოვანი საგნებია, ასეთია სახელდობრ რაც ენება დამოუკიდებლობის გამტკიცებას და საერთო კეთილდღეობას.

მაგრამ განზრახული საქმის წარმატებისთვის საკმაო არაა მარტო პაქტის შეკვრა. დიდი მნიშვნელობა აქვს იმას, რაზედაც პაქტი არაა ამბობს, ხოლო კი ჰგულისხმობს—ესაა ფსიქოლოგიური ელემენტი, სათანადო სულიერი განწყობილება, ურთმლისოთ ყოველივე აღნაგები დაიმსხვრევა. კავკასიის კონფედერაციისთვისაც ესევე ითქმის—მის წარსამატებლად საჭიროა საერთო კავკასიური სული.

რა არის ეს კავკასიური სული? ხომ არ უპირისპირდება იგი შემავალ რესპუბლიკების ერთა სულს? სრულვებით არა. სადი ნაციონალიზმი საგნებით შეუთანხმდება და შეეგუება ინტერნაციონალიზმს. კავკასიური სული ნიშნავს იმას, რომ კერძოა და საერთოს უთანხმოების დროს ჩვენ სათანადო ანგარიში გავუწიოთ საერთო ინტერესს. უნდა გვახსოვდეს, რომ თითოეული კავკასიელ ერის ბედნიერება დამოკიდებულია მთელი კავკასიის კეთილდღეობაზე. კავკასიის კონფედერაციის წარმატებას სჭირია სულიერი ერთობა და ყოველი კავკასიელის მოვალეობაა, მთელი თავის ძალღონით ხელი შეუწყოს ამგვარი მდგომარეობის შექმნას.





### წერილი საქართველოდან

ამ ერთი კვირის წინად საქართველოდან მიღებულ კერძო წერილი გადმოგვცემს: «... ყველგან ნამეტანი გაქირვება. მუადი სანატრელია, ხალხი ბალახით და უმწიფარი ხილით ცხოვრობს. სოფლებში კომუნისტებიც გაქირვებულნი არიან, მაგრამ ეშინიათ და ზმას ვერ იღებენ. ტფილისშიაც კომუნისტებს შორის დიდი პანიკაა; არ იციან რას შვრებიან და როგორ უშველონ გაქირვებას. ყოველ ნაბიჯზე ქურდობა და ყაჩაღობაა. კომუნისტი და არაკომუნისტი ყველა ჰგონობს, რომ ინდუსტრიალიზაციამ და კოლექტივიზაციამ დაღუპა ქვეყანა, ხოლო უკან დასახევი გზა არა აქვთ. ამისთანა გაქირვება არასოდეს ყოფილა. ყველანი იმის იმედით ცხოვრობენ, რომ კომუნისტური წყობილება მალე დაიმსხვრევათვით ბოლშევიკებიც კი ოცნებობენ ახლანდელი რეჟიმის დაქვევანზე, მაგრამ იმის ეშინიათ, რომ ხალხი შური იძიებს და ამოხრცავს გადატრიალების შემდეგ...»

უარესი ამბებია რუსეთში, მთელი ხალხი შიშველ-შიშვია. ყველა მათხოვრობს, ქურდობს ან ყაჩაღობს. ურიცხვი ადამიანი ინოცება შიმშილით. რკინის გზის სადგურებზედაც შეხვდებით ასეთ დახოცილებს. ყოველი მხრით გესმით: «ვკვდებით, პუერი გვინდა!» ქამენ ყოველგვარ სისაძაგლეს. კაცის ხორცს მთელი რუსეთის სოფლებში სჭამენ, თუ კი იშოვენს...

დღემდის წითელი ჯარი უზრუნველყოფილი იყო, მაგრამ დღეს აქაც შემოაკლდათ. ამ ნიადაგზე ჯარის კაცებშიც უკმაყოფილება გაჩნდა. პირდაპირ ჯოჯოხეთია...

ამავე დროს ბოლშევიკური მთავრობა ურცხვად ავრცელებს ხმებს, რომ უცხოეთში უარესი ამბებია — შიმშილობა, უმუშევრობა, გაფიცვები. არევი-დარევი, არაფერი იშოვება, რომ მუშები შიმშილით წყლებიან და კაპიტალისტები დახოცილ მუშებს ძალლებს აშუქვენ.

განა დასაჯერებელია ეს?»

### მატი სივრცისილე, მათი წინდახედულება

ბერლინის გაზეთში მოთავსებულთა იქაურ ქართველების ერთი კრების მოკლე ანგარიში. თავის შემადგენლობით კრება არ გამოხატავდა ბერლინში მყოფ ყველა ქართველების აზრს, რადგან მას არ დასწრებია ზოგიერთი ჯგუფთა წევრები.

კრებას უთათბირნია ჩვენი ქვეყნის საქმეებზე, დაუგმია ჩვენი მთავრობა, ეროვნული ცენტრი და გადაუწყვეტია უცხოეთში მყოფ მთელი ქართველ ემიგრაციის კონფერენციის მოწვევა ახალი პოლიტიკური ცენტრის შესადგენათ.

ჩვენს ყურადღებას, პირველ ყოვლისა, ერთი დადებითი ფაქტი იპყრობს. გერმანიაში დიდი პოლიტიკური ცვლილება მოხდა, დამყარდა ახალი რეჟიმი და ეს უკანასკნელი არამც თუ არ ეწინააღმდეგება ჩვენს ეროვნულ მისწრაფებათ, არამედ საშუა-

ლებასაც კი აძლევს ჩვენს პოლიტიკურ ლტოლვილებს კრებები მოიწვიონ და თავისუფლათ იმსჯელონ თავის შინაურ საქმეებზე. ჩვენ ეს არ გვიკვირს, გვახარებს კიდევ, რადგან ქართველი ერის განმათავისუფლებელ ბრძოლის ერთ-ერთი ძირითადი პირობა იმაში მდგომარეობს, რომ მის საქმეს მეგობრულათ მოეპყრან ყველა სახელმწიფონი და ერნი, განურჩევლათ წესწყობილებისა.

როგორ გამოიყენეს ჩვენმა თანამემამულეებმა გერმანიის ეგზომი სტუმართმოყვარეობა? ჩვენ ვმიშობთ, ისინი ვერ შემავრდენ «ნეპარტიულ» სიმბოლენედ და მასპინძლზეც ვერ მოახდინეს კარგი შთაბეჭდილება. აბა როგორ უნდა მოეხდინათ კარგი შთაბეჭდილება, როცა ქართველ ერის შინაური სადაო საკითხები, ბრძოლის და ორგანიზაციის ამოცანები გარეთ გამოიტანეს, მტრის გასახარათ, მოყვრის საწყენათ? ისინი თითქო ვერ ამჩნევენ, რომ გერმანელთ ასეთი საქციელისთვის სჯიან!

ჩვენ ვფიქრობდით, საქართველო, მიუხედავათ უცხო უღლისა, სახელმწიფო იყო და არის, მამასა-დამე, აქვს თავისი პოლიტიკა, დიპლომატია, მოპოებული აქვს ერთგვარი საერთაშორისო პოზიცია, რომლის დაცვა, გამაგრება საღვთო მოვალეობაა ყოველ პატრიოტისათვის. ბერლინელ ქართველებს თითქო მხედველობიდან გამოეპარათ ყველა ეს, კიდევ უარესი — პირად გაგულისებისათვის შეუწირავთ იგი.

ჩვენ გვესმის ოპოზიცია, იგი კანონიერია, აუცილებელიც, თუ გნებავთ, მაგრამ ისე შორს წასვლა, რომ დაჰკარგო გარჩევის უნარი, რა დასაშვები და არა დასაშვები, დიდათ სამწუხაროა განსაკუთრებით ამ უაღრესათ საპასუხისმგებლო მომენტში.

აიღეთ მეთოდი. ჩვენ მოწმენი ვართ სახელმწიფო გადატრიალებათა, ერთი ასეთი და ყველაზე საყურადღებო გადატრიალება თვით გერმანიაში მოხდა. მიმბაძველობა ყოველთვის როდია ცუდი, ნიკო ნიკოლაძე ოხუნჯობდა: ქართველები მაიმუნები ვართო, მაგრამ საჭიროა ამაშიც ზომა და დაკვირვება. ნაციონალ-სოციალისტებმა თავის სახლში მოახდინეს გადატრიალება, ხოლო ჩვენი თანამემამულენი მის გარეთ ლამობენ მოხდენას!

მართალია, ქართველი ერი ამ ქამად მოკლებულია ფიზიკურ საშუალებას საჯაროთ გამომამყანოს თავისი ნებისყოფა, მაგრამ ერთი ხომ ყველამ ვიცით: ის იბრძვის დამოუკიდებლობისათვის თავის ეროვნულ დროშის ქვეშ და ყველა პოლიტიკური პარტიები, გარდა არამზადა კომუნისტებისა, ჩაბმულია ერთ ფერხულში, შეადგენენ მთლიან ეროვნულ ფრონტს. ამ უკანასკნელს არამც თუ არ უფიქრია თავის თავის გაუქმება, არამედ მისი კარნახით დაარსდა თავის დროზე ეროვნული ცენტრი პარიზში. ეროვნული ცენტრი არის, მამასადამე, საქართველოში მებრძოლ ეროვნულ პარტიათა ემანაცია და მუშაობს მათი დირექტივებით. არის თუ არა მიზანშეწონილი, გონიერი, სასარგებლო შინაური შუღლი ისე გაამწვავო, რომ რაღაც ახალი პოლიტიკური ცენტრის დაარსება განიზრახო? რომელ წყაროდან ეზიდებიან ჩვენი თანამემამულენი ავტორიტეტს,

პრესტიჟს თავის ახალი ცენტრისთვის? არიან ისინი დარწმუნებული, რომ ქართველი ერი იცნობს მას?

კიდევ უფრო სამწუხაროა, ვიტყვით დაბრმავებდა, როცა ჩვენს მთავრობას «მენშევიკურად, მარქსისტულად» აღიარებენ. არა, ის არის ერთგული მთავრობა, შობილი უზუნაეს ორგანო—დამყუძნებელ კრების წიაღიდან, რომელმაც ბევრ სხვა ახალ სახელმწიფოებს გაუსწრო და თავისი კონსტიტუცია დასწერა. სანამ ქართველ ერს არ აღუდგენია თავისი უზუნაესობა, ვის შეუძლია მისი კანონიერი მთავრობის გადაყენება? ის გადააყენა მტერმა, მართალია, მაგრამ ჩვენ ხომ ერთი წუთითაც არ შეგვიძლია დავუშვათ, რომ ბერლინის ქართველები მის ბანაკში გადავიდნენ!

ნუ თუ ეს მარტივი აზრები მიუწოდებოდა ჩვენი თანამემამულეთათვის? გვესმის, შეიძლება არ მოგწონთ ეს მთავრობა, შეგიძლიათ გააკრიტიკოთ, ამის უფლებას არავინ გართმევს. არც ჩვენი კონსტიტუცია გულისხმობს მთავრობის უცვლელობას, მაგრამ ჩვენ ხომ სრულიად არაჩვეულებრივ მდგომარეობაში ვიმყოფებით: მთავრობაც და მთელი ქართველი ემიგრაციაც 12 წელიწადზე მეტი უცხოეთში იმყოფებიან.

მთავრობა უძღვება ავით თუ კარგათ ჩვენი ქვეყნის საქმეებს უცხოეთში. ვამბობთ «ავით თუ კარგათ», რადგან ის მოწყვეტილია თავის ბაზას, მას ელბებინან ათასნაირი სიბნელენი, დაბრკოლებანი, მაგრამ ვისა აქვს სხვას უფლება ჩვენი ქვეყნის წარმომადგენლობა დაიჩემოს უცხოეთში? ვანა თვითონ დამფუძნებელმა კრებამ არ დააქისრა მას ბათუმში ეს მძიმე მოვალეობა?

ჩვენ სიხარული გამოვთქვით, რომ ქართველებს არ ესპობათ გერმანიაში საშუალება ემსახურონ თავის ქვეყანას, მათ არ დაეიწყინათ, იმეცია, რომ ქართველ ერსაც მიუძღვის ცოტა რამ ამაში, მაგრამ რამდენათ უფრო დიდი იქნებოდა ჩვენი სიხარული, ჩვენს თანამემამულეთ რომ უკეთ გამოეყენებიათ შექმნილი მდგომარეობა! ჩვენ იმედს არ ვკარგავთ, ისინი თვითონ გაასწორებენ ჩადენილ შეცდომებს, ქართველთა დაჯგუფებანი ევროპის ყველა ცენტრებში ვალდებული არიან, ადგილობრივ შესაძლებლობათა მიხედვით, ეცადონ წინ წასწიონ თავის ქვეყნის საქმე, მოუბოვონ მას რაც შეიძლება მეტი მეგობარი.

ჩვენ პატარა ერი ვართ, თვითეული ქართველი სათვალავშია ჩასაგდები, ერთ წუთსაც ნუ დავივიწყებთ ამას. ჩვენ ხომ ისტორიული გამოცდილებაც გვაქვს, შინაური შუღლი და დავილი გარბაბა თუ ერთად ერთი მიზეზი არა, უპირველესი იყო ჩვენი უბედურებისა საუკუნეთა განმავლობაში.

რით მოგვწონს თავი, რით ვამაყობთ? იმით, რომ სახელმწიფოს ავი და კარგი გვესმის, ძალგვიძს მისი აგება, გაძლოა, გარჩევთ რაა გარეთ ვასატანი, რაა შიგნით მოსაგვარებელი.

მეტი სიფრთხილე, მეტი წინდახედულება, ბატონებო!

### საზოგადოებრივი კოლოპერაციის კარგი მომავალი

ბოლშევიკური კოლოპერაცია.

საქართველოში კოლოპერაციას კარგი მომავალი ქონდა. მისთვის ნიადაგიც არსებობდა და თავის დროზე შესაფერისი იდეური და პრაქტიკული მუშაობაც იყო გაწეული. მართალია, ამ მხრით კიდევ ბევრი იყო გასაკეთებელი. მაგრამ არსებულიც კარგის მაჩვენებელი იყო. სულ მოკლე ხანში, 1905 წლის რევოლუციიდან 1917 წლის რევოლუციამდის ჩვენში კოლოპერატიული მოძრაობა გავრცელდა, გაიზარდა და დამავრდა. დამოუკიდებლობის ხანაში იგი ამ მხრით კიდევ უფრო განვითარდა, — ქონდა მთელი საქართველოში შესაფერისი ორგანიზაცია და ყავდა კოლოპერატორთა გამოცდილი კადრი. რომ მის ამ ბუნებრივი, თავისუფალ განვითარებისთვის ხელი არ შეეშალათ, ეხლა იგი ჩვენს სახალხო მეურნეობაში უქვევლათ თვალსაჩინო როლს ითამაშებდა.

მაგრამ მისი განვითარება ხელფენურათ შესწყვიტეს. ბოლშევიკები საქართველოს დაპყრობის შემდეგ კოლოპერაციის დაპყრობასაც შეუდგნენ. მათ ცოტა ხნითაც ვერ იგუენს თავისუფალი, დეტალურისგან დამოუკიდებელი კოლოპერაცია; გარეკეს ძველი გამოცდილი კოლოპერატორები და მათ მაგიერ უვიცი პარტიზულითიანი ხალხი ჩააყენეს შიგ. საზოგადოებას წართვეს მისი კანტროლის უფლება და კოლოპერაცია სახელმწიფოსა და ჩეკას დაუმორჩილეს. ამრიგათ კოლოპერაციას დაუკარგეს თავისი სახე და დანიშნულება და გადააქციეს უბრალო საბჭოურ-ბიუროკრატიულ დაწესებულებათ. შედეგათ მივიღეთ ის, რაც მოსალოდნელი იყო. მაგრამ უმჯობესია ამაზე თვით კომპარტიის ცენტრალური ორგანო ვალაპარაკოთ. აი როგორ სურათს გვიხატავს 12 წ. ბოლშევიკური მუშაობის შემდეგ გაზ. «კომუნისტი» ამა წლის 27 მაისის ნომერში: «საქართველოს სამომხ. კოლოპერაციის სავაჭრო წერტილებში გაფლანგვა-მტაცებლობის შემთხვევებმა ამ ბოლო ხანებში ფართო ხასიათი მიიღო. 1932 წ. სამომხ. კოლოპერაციაში გაფლანგვისა და მტაცებლობის 1182 შემთხვევას ქონდა ადგილი. გაფლანგულია 1.838.700 მან. სასამართლოზე გადაცემულია 643 საქმე. გაფლანგვის ყველაზე მეტ შემთხვევებს ადგილი ქონდა მუშათა დახურულ კოლოპერატივებში. ამა წლის პირველ კვარტალში კი გაფლანგვა მოხდა ტფილისის მბეჭდავთა, სტუდენტთა და ინჟინერ-ტექნიკოსთა დახურულ კოლოპერატივებშიც. ამას გარდა, განაგრძობს ვაზეთი, გაფლანგვას ქონდა ადგილი «საქკოლოპროდუქტში» და «საქრძეფრინველში», რომელთა ხელმძღვანელობა მთლიანათ მოხსნილია და პასუხისგებაშია მიცემული»-ო.

როგორც ხედავს მკითხველი, ბოლშევიკური «ბოლო ხანები», კაი გვარიანი დიდი დროა. წინა წლებს რომ თავი დავანებოთ, რომელსაც ეხლა ბოლშევიკი ხელმძღვანელები არ იგონებენ, მთელი 1932 წელში კოლოპერატივებში გაფლანგვა-მტაცებლობა უწარმოებიათ. «ტუდი პირი» ამ მხრით არც ამ წელს უჩანს. და ისმება კითხვა, როგორ გამოეპარა ყოვლად შემძლე ჩეკას ყოველივე ეს? რათ ვერ ხედავდნენ კომუჯრედები ამ ამბებს? ისინი ხომ ყოველ დაწესე-



ბულეებში არსებობენ და მათ მთავარ მოვალეობას კანტორული და ჯანსუღობა შეადგენს? მათ უბრალო მოქალაქის ყოველი ნაბიჯი იციან და ნუ თუ ასეთი დიდი ფაქტი გამოეპარათ? მით უმეტეს რომ მთელი დანაპარგის 86,5 პროც. მოდის საქონელზე, ხოლო 12,8 პროც. ფულად საშვალეებზე. მთელი წლების განმავლობაში მანაწიებიდან საქონელს იტაცებენ და პასუხისმგებელი კომუნისტები და ჩვეა ამას პოსტ-ფაქტუმ გებულაობს და ესლა ტუხენ განგაშს—«არიქა უშველეთ, კლასიური მტრები შემოგვეპარენ კოლოპერაციასში»-ო!

ტყვილათ ცდილობენ ბოლშევიკი ხელმძღვანელები ყოფილ აზნაურებსა და ყოფილ მენშევიკებზე ყვირილით ნამდვილ დამნაშავეთა დამალვას. ხვალ რომ საქართველოს ჩუკის თავმჯდომარემ ტიტულატორიფანიქიმ ქურდობა ჩადინოს, მასაც ყოფილ აზნაურათ გამოაცხადებენ, ხოლო მის კომუნისტობას და ჩუკისტობას დამალავენ! მაგრამ დღეს ვინ არ იცის, რომ დანაშაულის სათავე დიქტატურაშია და დანაშაულის ჩამდენი კომუნისტები არიან, რომ «თევზი თავიდან არის აყრალებული», ამას ღალატებენ თვით ბოლშევიკურ განუთებში მოყვანილი ცნობებიც კი.

გან. «საბჭოთა ვაჭრობისთვის» ცნობით: «სამტრედიის ქალაქის კოლოპერაციის მე-4 მანაწიის გამგემ. პარტიის წევრმა ქეთო კუნთელიამ (კიდევ კარგი რომ ყოფილი აზნაური არ არის. ალფა) 15 სექტემბრიდან 1 დეკემბრამდე ვაფლანგა 2.400 მან. იგი მანაწიის ჩაბრების დღიდანვე სისტემატიურათ ეზიდებოდა თავისთან სხვადასხვა საქონელს.

სამტრედიის სარაიონო სატრანსპორტო კოლოპერატულ სავაჭროების 270 მუშიდან, დღეს პასუხისგებაში მიცემულია 165 კაცი, რომელთაც ბრალი ედება ვაფლანგვასა და საქონლის განივებაში». მაგრამ ასე ხდება არა მარტო სამტრედიასში, არამედ ასეთ მოვლენებს ადგილი აქვს, იმავე განუთის გადმოცემით, ქუთაისში, ფოთში, ჭიათურაში, სენაკში და სხვა რაიონებში.

მოსკოვიდან სტალინი და ტფილისიდან ბერია განკარგულებას განკარგულებან აგზავნიან—«სასტიკათ დაიცვან სოციალისტური საქუთრება», მაგრამ «მიუხედავათ იმისა, სწერს «კომუნისტი», რომ «ცენტროსლუხმა და სახელმწიფო სავაჭრობისა და კოლოპერაციის პროფკავშირის ცეკამ ჯერ კიდევ 15 თებერვალს დაავგანეს ამომწურავი დირექტივები მტაცებლობასა და მფლანგველობასთან ბრძოლის გაძლიერების და კლასობრივად უცხო ელემენტებისგან სავაჭრო აპარატის გაწმენდის შესახებ, მაინც მთელი ამ სამი თვის განმავლობაში არსებითათ არასფერი არ გაკეთებულა ამ დირექტივების განსახორციელებლათ».

პარტცეკის მდივანი ბერია კი თვით პრესას დებს ბრალს და ბრძანებს: «მთელი რიგი განუთებისა სუსტათ აწარმოებენ ბრძოლას მფლანგველებისა და მტაცებლების წინამდევ და ცდილობენ მათ არ აწყენინონო».

ან როგორ უნდა აწარმოვნ განუდული ბრძოლა განუთებმა, როცა მათ კარგათ იციან, რომ მფლან-

გველები ყველა დაწესებულებებში სხედან და რომ განუდული ბრძოლა მათ ძლიერ შორს წაიყვანს და რომ დღევანდელი მფლანგველი შეიძლება ხვალ ცეკის მდივანთ დაუნიშნონ! განა ცოტა ვაფლანგეს ელიავამ, გეგეჭკორმა, მამულიამ და სხვებმა? მოდი და ასეთ პირობებში ნუ მოერიდები «წყენას»!

გიუკი კი არ არის რედაქტორი ნიკო კიკნაძე, რომ აწყენიოს კომუნისტ ყურულაშვილს და აღნიშვილს, რომლებიც გუშინ სამეურნეო დარგში მუშაობდნენ, ხოლო დღეს ცეკის მდივნები არიან და პარტიას განაგებენ!

შავი ქვის სამეფოში.

ნავთის შემდეგ მარგანეცი ბოლშევიკებისთვის, ერთ უმთავრეს საექსპორტო საქონელს წარმოადგენს. ამიტომ მარგანეცის წარმოების საქმეს ისინი დიდ ყურადღებას აქცევენ. იმის თანამედროვე ტექნიკის მიხედვით მოწყობაზე მილიონები დახარჯეს, საქვეყნოთ გაიხსოვდენ—ამერიკასა და ევროპას უნდა ვავუსწროთო. და მართლაც კომუნისტური პრესა ერთხანს ისე ხატავდა ჭიათურის მდგომარეობას, რომ კაცი იფიქრებდა, ევროპასა და ამერიკას თუ ვერ გაასწრეს, ყოველ შემთხვევაში მარგანეცის წარმოება რიგიანათ მაინც დააყენესო.

ამა წლის 6 მაისის «კომუნისტი» კი დიდის ასლებით აცხადებს: «ჭიათურის მარგანეცის მრეწველობამ დაუყოვნებლივ უნდა გარდაქმნას მუშაობა».

რატომ უნდა გარდაქმნას, რა მოხდა? ამაზე პასუხს იძლევა «კომუნისტის» სპეციალური კორესპოდენტი, რომელიც იმავე ნომერში სწერს: «ჭიათურის მარგანეცის მრეწველობა უკანასკნელი ორი წლის განმავლობაში საწარმოვო-საფინანსო გეგმებს გარღვევებით ასრულებს, მიმდინარე წლის პირველი კვარტალის საწარმოვო დავალება შესრულებული იქმნა 49,1 პროც. ასეთივე გარღვევებია აპრილის თვის პირველ ორ დეკადში»-ო.

კორესპოდენტის აზრით «ამ დიდი გარღვევების მთავარი მიზეზია ჭიათურის მარგანეცის მრეწველობის ხელმძღვანელობის კანცელარული-ბიუროკრატიული მეთოდი, რომელსაც ფართოთ აქვს ფერი გადგმული ტრესტში. ტრესტის მართველობამ ვერ შესძლო თავისი, მუშაობის გარდაქმნა ახალ პირობებსა და მოთხოვნილებებთან შეფარდებით»-ო.

ერთი სიტყვით დამნაშავე, კარზე მოდებამ და მისი ამანაგებია და არა საბჭოური სახალხო მეურნეობის მთელი სისტემა, სინამდვილეში კი, ჭიათურის მრეწველობაც იმავე სენით არის დაავადებული, როგორითაც საბჭოთა კავშირის სხვა წარმოებანი. მაგალითათ იგივე კორესპოდენტი გადმოგვცემს: «რომ ჭიათურის მადარობებში გამეფებულია მუშახელის სისტემატიური ცვალებადობა, მიმდინარე წლის პირველ კვარტალში მადარობებიდან წავიდა 1223 მუშა, ხოლო იმავე დროის განმავლობაში საბჭოთა მოვიდა 786. გასაგებია რომ ასეთი დენადობის დროს, სჩივის «კომუნისტის» ბრიგადირი, შეუძლებელია განსხორციელებული იქმნას ახალი ტენიკის, ახალი მექანიზმის რამდენადმე დამაკმაყოფილებლათ ათვისება»-ო.

არა მგონია, რომ კარგე მოდებამე ტფილისიდან გამოგზავნილ ბრიგადირზე ნაკლებ იცოდეს კერძოთ ეს ჰუმბარტება და საერთოთ მარგანეცის საქმე! სახარბილო პირობები მუშებს ჰქიათურაში არასოდეს არ ქონიათ, მაგრამ იგი იმდენათ შეღავათიანი იყო, რომ მრეწველობას მუშა ხელის ნაკლებობა არასოდეს არ განუტდია. სხანს რომ ეს ძველი პირობებიც აღარ აქვთ დღეს მუშებს და ამიტომ გარბიან იქიდან, და გარბიან არა მარტო ჰქიათურიდან, არამედ ყველა სამრეწველო ცენტრებიდან, რადგან ადგილის დატოვებით არაფერს კარგავენ გარდა მძიმე მუშაობისა და შიმშილობისა. თვითონ იგივე კარგესაღდენტი ამბობს, რომ «ტრესტი არადამაკმაყოფილებლათ ზრუნავს მუშათა საყოფაცხოვრებო პირობების გაუმჯობესებაზე»-ო.

ეს კი, მაგრამ როგორ გაუმჯობესოს ტრესტმა მუშებს პირობები, როცა მთელ საბჭოთა კავშირში მჭადი, პური, ფართალი და წულა სანატრელ საგნათ არის გამხდარი? თითიდან ხომ ვერ გამოსწოვს ყოველივე ამას ტრესტი?! საბჭოთა დაწესებულებებში, რომ ბიუროკრატინში არის გამეფებული, ჩვენ ამაში ეჭვი არ გვეპარება, მაგრამ საქმე მარტო ბიუროკრატინში კი არ არის, არამედ ბოლშევიკურ-საბჭოური სისტემა, რომელიც მთელ სახალხო მეურნეობას დამბლასა სცემს და ბიუროკრატინშიც მისი პირშია შვილია.

ავიღოთ იმავე ჰქიათურის ცოცხალი მაგალითი. დაუშვათ, რომ იქ ხელმძღვანელობა მართლაც არ ვარგა და რომ მუშაობას გარდაქმნა ეჭვირება. მაშასადამე ამისათვის საჭიროა უფრო მცოდნე ინჟინრების, ეკონომისტების და ორგანიზატორების გაგზავნა, ვინემ ჰქიათურაში ასეთები იმყოფებიან. ეს მართლაც შეძლებს საქმის გამოსწორებას. ამის მაგივრათ ბოლშევიკები «კომუნისტის» ვილაც ბრიგადირებს ალიბეგაშვილსა და ყურუას გზავნის, რომლებიც ტრესტის გამკვობასა და ინჟინრებს კამანდრობენ. ევროპასა და ამერიკაში ასეთ ამბავს ანეგდოტათ ჩათვლიან. ბოლშევიკებს კი იგი დიდ სოციალისტურ მუშაობათ მიაჩნიათ.

ჩვეულებრივათ კი ასეთ მუშაობას რუსულათ «გოლოვოტიაპობა» ეწოდება, ქართულათ—უთავბლობა.

ალეკა.

### რ ა გ ზ ე ბ ი თ ?

(დასასრული)

პროფ. კეინესმა «ტაიმსში» გამოაქვეყნა თავისი გეგმა ეკონომიური აღორძინებისა. მისი მოკლე შინაარსი ასეთია: კრიზისს, რომელიც ხასიათდება დაცემული შემოსავალით და ადემ-მიცემობით, უმუშევრობით, შეგვიძლია მოვერიოთ მხოლოდ და მარტო საზოგადო მუშაობის ორგანიზაციით სახელმწიფო ფულით და ხელმძღვანელობით, ვინაიდან კერძო კაპიტალი და ინიციატივა არ ზღუდავს ეკონომიურ საქმიანობას. გამოცდილება გვიჩვენებს, რომ საზოგადო მუშაობაში ერთი კაცის ამუშავებით ორი შე-

მდეგ ამუშავდება სხვა დარგებში; ამნაირად სახელმწიფოს შეენახება თანხა უმუშევრების დასახმარებლად გადადებული, მომხმარებლების შემოსავალი აიწვეს, ამით აიწვეს გადასახადის შემოსვლაც, გაჯანსაღდებოდა ბიუჯეტი. ვინაიდან სახელმწიფოს ამნაირად ეკონომ. შექანიზმის ამუშავება შეუძლია მხოლოდ ნასესხი ფულით, პროფესიური მიგვიითებს კრედიტის გაიაფების სათანადო გზებზე: დევალვაცია—ფულის ოქროს შინაარსის შემცირება, დაკლება ქალაქის ფულის ოქროთ დაფარვის, რომ სამისიო ბანკებს არ დასჭირდეთ ოქროს დიდი რეზერვები, სხვადასხვა სახელმწიფოების ფულების საერთაშორისო ოქროს პაიტის თავისუფალი ფლუქტუაცია. ეს რეფორმები უნდა მოხდეს თანდათანობით; შემდეგ ეტაპში უნდა იქნას შემოღებული საერთაშორისო ფული, რამდენიმეთ ოქროსთან დაკავშირებული (მაგ. 10 პრ.). ასეთი საერთაშორისო ოქროს სერტიფიკატები, გამოცემული საერთაშორისო დაწესებულების მიერ, დაურიგდება ყველა სახელმწიფოებს გარკვეული კვოტით და ამ კვოტის ნადაგზე გამოცემული იქნება შინაური ქალაქის ფული. თვით ავტორის მოწმობით მის წინადადებას აქვს საფუძვლად ცდა საერთაშორისო ზომიერი ინფლიაციით მსოფლიო ფასების რეგულიაციისა.

თანამედროფე სოციალ-იდეოლოგიური ქარიზხალის დასახასიათებლად მოვიყვანე რამდენიმე ნიმუში ტიპიური აზრვნებისა თვით ბურჟუაზული ეკონომისტებისა და მეცნიერების. მგონია ეს საკმარისი ავტორიტეტული შემოწმებაა კაპიტალისტური წესწყობილების დრმა კრიზისისა. ესლა შეგვიძლია ზემო ხსენებულიდან რამდენიმე დასკვნა გავაკეთოთ, დავსახოთ ფართო ჩარჩოებში გზები უახლოესი პერსპექტივისა, ეკონომიური ცხოვრების ტენდენციებისა.

1) ესლა თითქმის არავინ დაობს იმაზე, რომ ინდივიდუალური კაპიტალიზში, ომამდე გაბატონებული, საბოლოოთ გარდაიცვალა, გარდაიცვალა ბუნებრივი სიკვდილით, განვითარების კანონის ძალით, რომლის ტემპი მხოლოდ დააჩქარა დიდ ომმა და სწრაფმა რაციონალიზაციამ. სრულდება ის, რაც თავის დროზე თქვა მარქსმა, მერე ზომბარტმა და რატენაუმ, რომ თვით კაპიტალისტურ სისტემაში არის ემბროო ელემენტები მისი დაცემისა, გარდაქმნისა. თუ ეკონომიურ ავტომატიზმს ძალუქდა ფასების თავისუფალი ფლუქტუაციით კრიზისების ჩქარი ლიკვიდაცია, ეს იმიტომაც, რომ პერიოდული კრიზისები ფაქტიურად ევროპის სენი იყო, კოლონიები და სხვა ქვეყნები რეზერვს წარმოადგენდენ, ესლა კი კაპიტალისტური წარმოება გავრცელებულია მთელს მსოფლიოში.

2) საწარმოო სისტემა დიდ გარდაქმნის ხანაშია; შიგნიდან, თავისუფლად, საკუთარი სტრუქტურის, ანტაგონისტ. ძალების გავლენის ქვეშ ხდება დრმა ევოლუციის პროცესი, რომლის ძირითადი თვისებაა წარმოებაში საზოგადოებრივ-სახელმწიფოებრივი ელემენტის ზრდა, ინდივიდუალურის კი შემცირება. კაპიტალისტური წრეები წინეთ ქადაგებდენ: «laissez faire», ესლა კი შემინებული ვაპყვირან;



«სახელმწიფო, გვიშველო». გავიხსენოთ ყველა ინდუსტრია, ქვეყნებში ბანკების და დიდი სამრეწველო კომპანიების სანკცია მთავრობის მხრივ, ე. ი. სახელმწიფოს სესხით და გარანტიის ალებით კონკურსის აცილება. სახელმწიფო ერევა, ემბარგო, მაგრამ, რა გასაკვირია, მოვალეობებს არ სჯერდება, უფლებებსაც ითვისებს, კონტროლის გარდა არსებითად ერევა საწარმოვო ურთიერთობაში. მთავრობის ინტერვენცია ორნაირია: რეპრესიული—ხემათსახეობის სანქციის სახით, და პრევენტიული—ეკონომიკური საქმიანობის დაგვემის ცლით. გერმანიაში Wagenianu ის, მერე ბრიტანეთ-პაპანის პლანი, შეერთებულ შტატებში ჰუვერის Reoustruction Finance Corporation, ინგლისში მაკდონალდის პლანი სტერლინგის დაცემით დაწესებული, ჩეხოსლოვაკიაში «შრომის სესხით» სახოგადო მუშაობის ორგანიზაცია და ბევრი სხვა, რომლების ჩამოთვლას და დეტალიზაციას ბევრი ადგილი მოუხდებოდა. საქმარისია აღვნიშნოთ, ყველა ამ გვეგების დედა ახრი და მიხანია—პირდაპირი ფულის ინფლიაციით ან არაპირდაპირი კრედიტის ინფლიაციით ეკონომიკური აღორძინება, ახალ სოციალურ ნიადაგზე. რომ აქითკენ ჯერჯერობით სუსტი ნაბიჯებია გადადგმული და ამიტომ პალიატივით რჩება—ეს არაა გასაკვირი; ფაქტი ისაა, რომ დაგვემის ტენდენცია იმარჯვებს.

3) ცხადია, შინაურ დაგვემულ ეკონომიკას აუცილებლად თან უნდა მოყვას საერთაშორისო ეკონომიკა. გვეგმა. სწორეთ ამ მიხნითაა მოწვეული ლონდონში საერთაშორისო ეკონ. კონფერენცია. ეს კონფერენცია უკვე გასული შემოდგომაზე მოწვეული უნდა ყოფილიყო, მერე ამ წლის თებერვალში უნდა მოეწვიათ, ჩვენ კი გვეგონია რომ ახლაც ნადრეგია და მის შედეგებს დიდი ოპტიმიზმით არ უყურებთ, და აი რატომ: საერთაშორისო ალებშიცემობის მხრით მსოფლიო ვანიცდის იზოლიაციის პერიოდს. სახელმწიფოებმა ააგეს ერთმანეთ შორის ვეებერთელა კედლები პრივილეგიური ბაყებით, კონტინგენტებით, სადევნიზო პოლიტიკით (უცხოელი ვალიუტის გაუცემლობით), იმპორტის პირდაპირი აკრძალვით. შედეგი ისაა, რომ ეროვნული ეკონომიკა, რომელიც იყო აშენებული საერთაშორისო შრომის განაწილების პრინციპზე, იძულებული ხდება იზრუნოს სრულიად წინააღმდეგ მიმართულებით—უიტარკისაკენ ე. ი. ყველა ეკონ. მოთხოვნის დაკმაყოფილებისაკენ. ამ იზოლიაციაში ხდება წმენდის პროცესი: ის, რაც მომავლადგია, ხელოვნურია—კვდება ბუნებრივი სიკვდილით, ხდება ლიკვიდაცია წარმოების იმ დარგებისა, რომელსაც არ მოუპოვება შესაფერისი ბუნებრივი პირობები და დამყარებული იყო სხვის ბაზრების იმპერიალისტურ ექსპლოატაციაზე; დარჩებიან შინაურ ბაზარზე დამყარებული სამრეწველო დარგები და მეორე მხრით საექსპორტო კი ისეთი, რომელსაც მსოფლიო ეკონომიკის ფარგლებში მოეპოვება საუკეთესო ბუნებრივი ტექნოლოგიური საწარმოვო პირობები. ეს სტრუქტურალური გარდაქმნის პროცესი მტკივნელოვანი და ხანგრძლივია, ჯერ დასრულებული არ არის, ამიტომ გვეგონია, რომ

ლონდონის ეკონ. კონფერენცია, თუ მოკლებანიანი იქნა—დაკმაყოფილებდა რაიმე უმნიშვნელო ქალაქის რეზოლიუციით, როგორც ბევრჯერ წინადა; ან და მიიღებს ქრონიკულ ხასიათს, განიარაღების კონფერენციის მზავასათ, იხანალებს, სანამ ხემათსახეობის პროცესი არ გათავდება და მერე კი შესძლებს დაადისტუროს ხელშეკრულებით მისი ორგანიზული შედეგები: სტაბილიზაცია საერთაშორისო ალებშიცემობისა კონკურენციის გარეშე; კონვენსაცია თითოეული ეროვნულ მრეწველობათა იმ საქონლებით, რომელიც ერთმანეთათვის მაქსიმალურად ხელსაყრელი და აუცილებელია. თავისთავად იგულისხმება რომ ასეთ შეთანხმებას წინ უნდა უძლოდეს გაუქმება ვალეების, საბაჟო-სადევნიზო და სხვა მზავასი დაბრკოლებების საერთო ალებ-მიცემობისათვის და ფულის სტაბილიზაცია. ეს იმიტომაა საჭირო, რომ ერთი სახელმწიფო ციფულობს მეორისაგან საქონელს საქონელითვე, არა ფულით; რომ შესძლოს საქონელის ჩამოტანა, უნდა მიეცეს საშვალეობა მისი ექვივალენტი საქონელის გადმოტანის საშვალეობა. ფული აქ მხოლოდ გაცვლის საშვალეობაა, სახომია, როგორიცაა მაგალითად მეტრი; სხვა მნიშვნელობა ფულის, მიუხედავად იმისა, არის ის ოქროსი თუ ქალაქის,—ფიქციაა, მასიური ილუზია. ასეთი შეთანხმება კონფერენციისათვის მაშინ მით უფრო ადვილი და მომწიფებული იქნება, რომ, როგორც სჩანს ერთა ლიგის ბიულეტენიდან და «მანჩესტ. გარდ.»-ის «Annal Review»-იდან ყველა ინდუსტრიალური ექსპორტი დაეცა საშვალეობ 60 პროცენტით; ეს იმას ნიშნავს, რომ საერთაშორისო ალებშიცემობაში დარჩა მხოლოდ ის საქონლები, რომელიც აუცილებელი და ხელსაყრელია. დაგვემული საერთაშორისო ალებ-მიცემობა შეგვიძლია წარმოვიდგინოთ სქემატიკურად, როგორც ეკონომიკური ბლოკი ისეთი სახელმწიფოებისა, რომელიც ეკონ. სტრუქტურით, ბუნებრივი სხვადასხვაობით მაქსიმალური სარგებლობით ფარავენ ურთერთ მოთხოვნილებებს (აგრარიული და ინდუსტრიალური, მეზობელი სახელმწიფოები და სხვა). ასეთი ეკონ. ბლოკები, ან და პროფ. სავიციკის ტერმინოლოგიით «ხმელეთის მეურნეობა» შეგვიძლია დაახლოებით ჩამოვსახოთ შემდეგ ერთეულებში: პანევროპა, ევრაზია, ინგლისი და მისი დომინიონები, ამერიკა-კანადა.

4) როგორც აღვნიშნეთ, კერძო კაპიტალის და ინიციატივის ადგილს თანდათანობით იკვრს სახელმწიფო. ამ უკანასკნელის მთავარ პრობლემას წარმოადგენს წარმოებასა და მოხმარებას შორის წონასწორობის აღდგენა. დავინახეთ, რომ მრეწველობის საკითხი როგორც ტექნიკური ამოცანა, მოგვარებულია, მაშ მთავარი პრობლემა, ყოფნა არ ყოფნის საკითხია დისტრიბუცია, საერთო შემოსავლის სამართლიანი გადანაწილება, ამით ფართო მასების მყიდველობითი შესაძლებლობის აწევა. ეს სოციალური დემოკრატიის გზაა—ცდა სოციალური პროდუქტის ისე განაწილებისა, რომ მუშა მოსამსახურეების წილმა გაცილებით აიწიოს, კაპიტალის წილმა კი დაიწიოს. პირველ შემოსავალი მიდის თითქმის მთლად მოხმარებაში, მეორეთა წილის კი კაპიტალიზაცია

ხდება; წარმოებას ადიდებს. მაშკრისის წისკილს წყალს უმატებს. ამ ქვეშობილების აღიარება უფრო ადვილია, ვიდრე განხორციელება, მეტყვიან. მაგრამ სახელმწიფოს შეუძლია ამ მიზნის მიღწევა (თუ სურვილი აქვს, რა თქმა უნდა) ფინანსური და ემისიური პოლიტიკის მიზანშეწონილი კომბინაციით.

ამასთან დაკავშირებით არ შეგვიძლია არ შევეხოთ დოლარის ინფლიაციას და საერთოდ პრეზიდენტ რუზველტის ეკონ. პოლიტიკას. ინგ. სტერლინგის და ამერიკის დოლარის დაცემის ობიექტიური მნიშვნელობა იქ არაა, სადაც ამას ეძებენ ამ ქვეყნების ინდუსტრიალური წრეები, ე. ი. ინფლიაციის დამპინგით მეტი საქონელის გატანის შესაძლებლობაში. ასეთ შედეგს, მართალია, ინფლიაცია იძლევა, მაგრამ სულ მოკლე ხანს, ეს გარდამავალი ეფექტია. ნამდვილი მნიშვნელობა ამ ორი სტერლინგ-დოლარის დაცემისა იმაშია, რომ: 1) ბოლოს მოუღებს დეფლაციას (ფულის გაძვირებას), რომელმაც სტაბილიზაცია უქნა ქონების და შემოსავლის უსამართლო განაწილებას და ლოდვიით აწვა ეკონომიურ ცხოვრებას; 2) დავალიანებული ინდუსტრია (რაციონალიზაცია—ახალი მანქანების ფასი), ბანკების სათამაშოთ გამხდარი, ადვილად გაისტუმრებს ვალებს, ინფლიაციის საშვალებით, თავისუფლად ამოისუნთქავს, გაიადვილებს კალკულიაციას საქონელის გაიყვების მიზნით; 3) და უმთავრესი—ინფლიაცია, ფულის ფასის თავისუფალი რეგულიაცია, შეკავშირებული სათანადო ფინანსურ და ფასების პოლიტიკასთან (განსაკუთრებით გაგასახადების პოლიტიკა), სამუშაოდ დროს საგრძნობ დაკლებასთან (უკვე არ კმარა საერთ. შრომის ბიუროს მიერ მიღებული 40 საათის სამუშაო კვირა) ხელფასის დაუკლებლათ შესაძლებლად ჰყოფს სწორედ ზემოხსენებულ გადაჯგუფებას შემოსავალთა, და წარმოება მომხმარებას შორის წონასწორობის აღდგენას. სწორედ შეერთებულ შტატებში აქვს კრიზისის ტიპური მსვლელობა, და იქაური გზები კრიზისიდან აღორძინებისაკენ—სიმპტომატურია. პრეზიდენტ რუზველტის კონკრეტული ნაბიჯები მოწმობენ ტენდენციებს, რომელნიც შორს არ არიან ტექნოკრატების იდეოლოგიისაგან.

5) ამნაირად ჩვენ სრულიად შეუმჩნევლად ეკონომიურ სფეროდან გავჩნდით წმინდა პოლიტიკურ (თუცა ძნელია იმის თქმა, სად თავდება ეკონომიური და სად იწყება პოლიტიკური) სფეროში: სახელმწიფო იღებს ახალ-ახალ პოლიციებს მთელს ეკონ. საქმიანობაში, განვითარების ლოდვიამ მას ჩაუვდო ხელში ეკონ. ცხოვრების რეგულიაცია, რეგლამენტაცია, მაგრამ იბადება კითხვა, რანაირათ მოხმარს ის თავის ეკონ. ძალას? სწორათ, უმრავლესობის სასარგებლოთ თუ ანტისოციალურად. უმცირესობის სასარგებლოთ? ეს დამოკიდებულია იმაზე, ვინაა სათავეში, ვის აქვს ხელისუფლება: კარგი ჭიანჭური კარგა მხოლოდ კარგი დამკვერლის ხელში. ზემოთ დახასიათებული ახალი ეკონ. ტენდენციების ბუნება უსათუოდ მოითხოვს დემოკრატიის როგორც პოლიტიკურ ფორმას—იგულისხმება სოციალური დემოკრატია, რომელიც ნაშნავს პიროვნებისა და სა-

ზოგადობის ინტერესების სრულ ჰარმონიას; მუშა ხალხის ეკონ. ობიექტიდან სუბიექტად გარდაქმნას. Harold J. Laski ერთ თავის წიგნში სწერს: «ესლანდელ კაპიტალისტურ დემოკრატიის რეჟიმში თავისუფლება, სანამ ის ცარიელი უშინაარსო უფლება იყო,—მისაღები იყო ბურჟუაზიისათვის, მაგრამ მაშინათვე, როცა ფართე წრეებმა მოინდომეს გზის გაკაფვა ეკონ. და სოციალური პოზიციებისაკენ, სადაც აქამდის ბრძანებლობდენ მდიდრები—დაიწყო ბრძოლა. დემოკრატიის უარყოფა. დღევანდელი ეკონომ. სისტემის ტრანსფორმაცია შეუძლებელია უკონფლიქტოთ. საქირთა გაბედული ჩარევა ძველი ურთიერთობის სისტემაში». ფაშისმი-პიტლერიზმი უკანასკნელი იერემიაა ინდივ. კაპიტალიზმის. მაგრამ არავითარ ძალადობას არ შეუძლია განვითარების ჩარხების უკანვე დატრიალება. საერთოდ დიქტატურას არ ძალუძს კონსტრუქტული მუშაობა, გარდაქმნის ხანის დიდი ამოცანების გადაჭრა, ვინაიდან ამისათვის პიროვნების თავისუფლება საჭიროა. როგორც საერთო წესი, შეგვიძლია მტკიცედ აღვნიშნოთ, რომ დემოკრატიული ქვეყნები თანამედროვე კრიზისს უფრო იოლათ იტანენ, მათი ბრძოლა კრიზისის წინამდებ უფრო მიზანშეწონილი და ნაყოფიერია. დავტოვოთ განხე ძველი დემოკრატიები—ინგლისი, საფრანგეთი და სხვა—ავიღოთ, როგორც ნიმუში, ჩეხოსლოვაკია—ახალი სახელმწიფო, ინდუსტრიალურად ზედმიწევნით განვითარებული, რთული ეკონომ. სტრუქტურით (ვინაიდან მისი მრეწველობა აშენებული იყო მთელი ავსტრო-უნგრეთის მონარქიის შინაურ ბაზარზე, წარმოადგენდა ავსტრო-უნგრეთის მრეწველობის 80 პროცენტს); არა ნაკლებ რთული ეროვნული შემადგენლობით—მოსახლეობის მესამედი ეროვნული უმცირესობიდან შესდგება; გარშემორტყეული აგრესიული დიქტატურებით. აქ თავიდანვე დემოკრატიული რეჟიმი. ესლანდელი პარლამენტარული მთავრობის კოალიცია უკვე მეოთხე წელიწადი სათავეში, შესდგება პარლამენტის ორი მესამედიდან. კოალიციის ნახევარი სოციალისტური პარტიებისაგანაა: ჩეხების და გერმანელთა სოციალდემოკრატიული პარტია და ჩეხოს. ეროვნული სოციალისტები (ბენეშის პარტია). შედეგი? სამართლიანად უწოდებენ მას შუა ევროპის ოახისს, როგორც პოლიტიკურად ისე ეკონომიურად. ესლა მაგალითად, შრომის სესხი გამოუშვეს; ერთი მილიარდი და ორასი მილიონი უკვე გაწერილია, მოვლით ორნახევარ მილიარდამდე აყვანას. ამ ფულით აწყოებენ საერთო სასარგებლო საზოგადო მუშაობას. უმუშევართა რიცხვი დაეცა, ეკონ. ცხოვრება გამოცოცხლდა. ეკონ. კრიზისის ლიკვიდაცია წამ საერთაშორისო საკითხია, რამდენად მაზე და დამოკიდებული, ჩეხოსლოვაკია ყოველთვის წინ და ფხიზლათ იქნება.

დიქტატურას ერთად ერთი პანაცეა აქვს ეკონ. კრიზისის წინააღმდეგაც: ომი. დიქტატურებს თიხის ფეხები რო არ ქონდეს, უკვე ომის შუა გულში ვიქნებოდათ. პარალოქსათ მოგვეჩვენება, მაგრამ სიმართლეა, რომ ეს დიქტატურები ასრულდებენ პროგრესულ როლსაც: ახდენენ ღრმა ფსიქოლოგიურ გადა-

ტენას კულტურულ კაცობრიობაში, სრულიად უნებურათ გუშინდელი უფერ-უსისხლო დემოკრატიის ადგილას ჭედავენ ხვალისდელს აქტიურ პროგრესულ დემოკრატიას. ლოლიკა და ტენდენცია გვაძლევს ღრმა რწმენას, რომ როგორც პოლიტიკურად, ეკონომურად, იდეოლოგიურად და მორალურად გაკოტრებული რუსული კომუნისში, ისე მისი მკვიდრი ძმები ახლო მომავალში ჩაბარდებიან ისტორიულ უფსკრულს.

მ. უ.

**პოლონეთის პრესიდან**

ბუნებრივია, რომ პოლონეთის პრესა დიდს ყურადღებას აქცევს ურთიერთობას გერმანიასა და რუსეთთან და თუ არჩევანზე მიდგა საქმე, ძალაუნებურად ისმება საკითხი: ვისთან უფრო ხელსაყრელია დაახლოვება რუსეთთან თუ გერმანიასთან? ამ კითხვას ფართო ადგილს უთმობს თავის გაზეთებში. განსაკუთრებით უკანასკნელი ამბების გამო, ენდეკების (სახალხო-დემოკრ.) პარტია, რომელიც ყოველთვის რუსების მომხრედ გამოდიოდა. ჩვენი მკითხველისთვის საინტერესოდ მიგვაჩნია მოვიტანოთ აქ ზოგიერთი გაზეთის აზრი. მაგალითად ენდეკების ზომიერი ჯგუფის ორგანო «კურიერ ვარშავსკი» ერთ თავის მეთაურში სწერს: «გუშინდელმა დღემ მოგვიტანა აღმოსავლეთიდან და დასავლეთიდან ორი ამბავი. აღსავსე არაჩვეულებრივი მდიდარი შინაარსით. მიმდინარე წლის პირველ მაისის საბჭოთა კავშირის ელჩის ბ. ანტონოვ-ოვსიენკოს მიღებას ბელვედერში სამხედრო მინისტრის ბ. პილსუდსკის მიერ. გარეშე საქმეთა მინისტრის ბ. ბეკის თანადასწრებით, და ხანგრძლივ საუბარს მოჰყვა დიდი სტუმრობა სამ მაისის (პოლონეთის ეროვნული დღესასწაულია) ბ. ელჩ ლუკასევიჩთან (პოლონეთის ელჩი მოსკოვში), რომელსაც ესტუმრენ საბჭოთა ხელისუფლების და წითელი ჯარის ბევრნი წარმომადგენელი... ეს დღესასწაული, რომელსაც დაესწრენ საბჭოთა ხელისუფლება ლიტვინოვიდან ბუდიონამდე და აგრეთვე მწერალთა წრეები პილნიაკიდან რადეკამდე—არის უეჭველად ახალი რაზმ... ამ ორ სახელმწიფოში არსებულ წესწყობილებათა და შეხედულობათა შორის უფსკრულია. მაგრამ ამავე დროს არსებობს მათ შორის სათანადო გამიჯვნაც: არც ჩვენ ფიქრობთ დღევანდელი რუსეთის გარდაქმნას და არც საბჭოები ფიქრობენ ჩვენს გაბოლშევიკებას. ცხოვრების სინამდვილე ორივეს გვიკარნახებს ზავს—მეგობრობას». შემდეგ გაზეთი ეხება პოლონეთის ელჩის ვისოცკის მიღებას პიტლერის მიერ და უკანასკნელის განცხადებას, რომ არავითარ აგრესიოვას არ ეწევა პოლონეთის წინააღმდეგ, და სკვპტიკურად უყურებს ამ ამბავს—წარსულის მაგალითი გერმანიის კეთილ-მეზობლობის საბუთს არ იძლევაო.

ამავე გაზეთის შემდეგ ნუმეროში დაბეჭდილი იყო ერთგვარი ცნობა ლონდონიდან, რომელმაც უნდა აიძულოს რუსეთი მკვიდრად დაუახლოვდეს პოლონეთს. აი ეს ცნობა: «დეილი ტელეგრაფის» სიტყვით

გერმანიას და იაპონიას ფარული მოლაპარაკება აქვთ, რომ შეთანხმდნენ საბჭოთა წინააღმდეგ. გაზეთი დასძენს, რომ მთავარი ხელმძღვანელი ანტისაბჭოური პოლიტიკისა არის როზენბერგი, რომლის მიზანია რუსეთის დაყოფა».

ენდეკების პრესა მარტო საბჭოებთან დაახლოვებას არ მოითხოვს. იგი დიდი მომხრეა აგრეთვე სლავიანურ სახელმწიფოების შეკავშირებისა. გაზეთ «ვიეჩორ ვარშავსკი» ვკითხულობთ: «მხოლოდ სლავიანურ სახელმწიფოების შედუღებით შეუძლია პოლონეთს დაიკავოს ევროპაში მისი შესაფერი ადგილი... მტკიცე დაახლოვება რუსეთთან, პოლონეთ-ჩეხოსლოვაკიას შორის სამუდამო პაქტის დადება, თანხმობა მცირე ანტანტასთან—აი ჩვენი პოლიტიკა... ცხოვრება გამოასწორებს მთელ რიგ გაუგებრობას, რაც წარსულში ყოფდა სლავიანურ სახელმწიფოებს; დღეს არც კია არსებითი უთანხმოება ამ სახელმწიფოთა შორის და სინამდვილის ფაქტები დაადებენ მათი ეკონომიური, კულტურული და პოლიტიკური თანამშრომლობის საყირობას».

ალბად გადაჭარბებული რუსოფილობით (ეგებ სხვა დაბალი ღირსების მიზეზითაც!) იყო გამოწვეული, რომ ამ გაზეთის ფურცლებზე დაიბეჭდა უმხგავსო და ირონიული წერილი საქართველოს საელჩოს შესახებ ამ სათაურით «საელჩო არ არსებულ სახელმწიფოში». ჩვენ არ ვგოვლით საქიროდ შევეხოთ ამ წერილს, ვინაიდან დარწმუნებული ვართ. კეთილშობილი პოლონელი ერი, რომელიც ჯერ კიდევ გუშინ მძიმე მონობის უღელს ქვეშ გმინავდა, არასოდეს გაიზიარებს «ვიეჩორ ვარშავსკის» აზრს და არ შეცვლის თავის კეთილ განწყობილებას ქართველი ერის მიმართ.

**ერთა ლიგის დახმობა კართ. საზოგადოება**

როგორც ჩვენმა მკითხველმა უწყის, ივნისის 11 გაიმართა ამ საზოგადოების საჯარო სხდომა, რომელზედაც კ. გვარჯალაძემ წაიკითხა მოხსენება «ერთა ლიგა და ინტერნაციონალი». მოხსენებას მოყვა კამათი, რომელიც მაშინ ვერ დასრულდა და ამიტომ სხდომის გაგრძელება შესდგა ამ თვის 2. კამათში მონაწილეობა მიიღეს: შ. ამირჯიბმა, რ. გაბაშვილმა, გ. კერესელიძემ, გ. ზურაბიშვილმა, დ. ვაჩნაძემ, ა. მეგლენიშვილმა, ა. ასათიანმა, პ. სარჯველიძემ, ვ. მაჩაბელმა, ნ. ცინცაძემ, ინჭირველმა, გ. გვაზავამ, შ. ნუცუბიძემ, ე. გეგუქკორმა, ე. პატარიძემ და ს. მეწაღარიშვილმა.

ზოგიერთი ორატორი მთავრობასა და სოც.-დემ. პარტიას უსაყვედურებდა ცალმხრივ პოლიტიკურ მუშაობას. სოციალისტურ გზებით სვლას, არა გამაერთიანებელ ეროვნულ პოლიტიკას, არამედ პარტიულ გეგმონიის დაცვას და სხ.

პოზიციის წარმომადგენლებმა სრული განმარტება გააკეთეს ამ საგანზე. მათ განაცხადეს, რომ ყველა გზებით იყო ნაცადი და გამოყენებული, ხოლო მოხსენებაში ყოველივე ამის აღნიშვნა არ შეიძლებოდა. იქ მოყვანილი იყო მხოლოდ ის მუშაობა, რომელიც

ერთა ლიგისა და ინტერნაციონალის კრებებზე საჯაროდ სწარმოებდა. მომავალ მუშაობაშიდაც ასევე გამოყენებული უნდა იქნეს ყველა რეალური შესაძლებლობა ჩვენი განმათავისუფლებელი ბრძოლის მიზნებისათვის და ამისთვის, რასაკვირველია, მიუღებელი იქნება ვიწრო პარტიული გზებით სვლა.

თავის საბოლოო სიტყვაში მომხსენებელმა პასუხი გასცა ყველა ოპონენტს.

### კავკასიის დამოუკიდებლობის კომიტეტის მოწოდება

კავკასიის დამოუკიდებლობის კომიტეტმა მოწოდებით მიმართა კავკასიის ერებს, რომელიც დიდი კმაყოფილებით აღნიშნავს კავკასიელთა გაერთიანების ზრდას და საერთო ბრძოლებს დამოუკიდებლობისათვის და ასეთი სტრიქონებით თავდება: «კავკასიის მოქალაქენო, თავისუფლების უამრავს აღვადგინებთ; მტერი, რომელიც ჩვენ გვგაგრავს, უფსკრულის პირსაა მიმდგარი! ვიყვნეთ მზად! შევკრათ რიგები. ნუ გავყვებით პროვოკაციას და დავამზადდით ჩვენი აქტიური ძალები გადამწყვეტ მომენტისათვის. ნუ დავივიწყებთ, რომ მხოლოდ მთელი კავკასიის ძალთა შეერთებით შეგვიძლია კვლავ დავიბრუნოთ თავისუფლება.»

ძალების შეკავშირებით კავკასიის რესპუბლიკათა კონფედერაციისაკენ! აი ჩვენი ლოზუნგი, ლოზუნგი ბრძოლის, ლოზუნგი საღვთისა. წინ! კავკასიის ძვირფასო თანამებრძოლნო. მომავალი ჩვენ გვეკუთვნის, რომელიც ვატარებთ ჩვენს გულებში ეროვნულ განთავისუფლების იდეას. გაისხენეთ, რომ ჩვენ მარტონი არა ვართ ჩვენს ბრძოლაში. ჩვენს რიგებში, ჩვენთან ერთად იბრძვიან რუსეთის მიერ ყველა დაჩაგრული ერები... კავკასიის მოქალაქენო, დარწმუნებით, შეჰქმენით რევოლუციონური ძალები და თქვენი მძლავრი ხელი აგრძობინეთ მტერს, როცა ამის შემთხვევა გექნებათ. ეს იქნება აქტი, ღირსი ჩვენი მაისისა—ჩვენი დამოუკიდებლობისა...»

### ჩვენი დიდი მებრძოლის იუბილე

ინგლისის 26 ყენევის უნივერსიტეტის დარბაზში დიდი დღესასწაული გაუმართეს ჩვენს მეგობარს, განთქმულ მეცნიერს და მოღვაწეს ედგარ მილოს, 60 წლის შესრულების გამა.

დარბაზი ვაჟდელი იყო მეცნიერებით, მილოს ძველი და ეხლანდელი შეგირდებით და საზოგადოების ყველა წრის წარმომადგენლებით. საზეიმო სწდომას თავმჯდომარეობდა პროფესორი რიშარი, უნივერსიტეტის რექტორის მოადგილე. წაითხულ იქნა სხვადასხვა ქვეყნებიდან მოსული მილოცვები და მათ შორის საქართველოს მთავრობის თავმჯდომარის ბ. ნოე უორდანიასი, რომელიც მხურვალე სალამს უთვლიდა ჩვენს ერთგულ მეგობარს. პროფეს. ბაბელმა თავის მოხსენებაში განიხილა იუბილარის სამეცნიერო მოღვაწეობა, რომლითაც სამართლიანად შეუძლიან იამაყოს ყენევის უნივერსიტეტში ინტერნაციონალური შრომის ბიუროს სახელით სი-

ტყვა წარმოსთქვა ბიუროს დირექტორმა ბუტლერმა, რომელშიდაც დაახასიათა იუბილარის დიდი ღვაწლი ბიუროს მუშაობაში. ყენევის მთავრობის თავმჯდომარემ გადასცა იუბილარის მთავრობის მილოცვა. დასასრულ სახელოვანი მეცნიერი ეკონომისტის მუხლავს თავმჯდომარემ მიართვა საუცხოველო თაიფული.

ამის შემდეგ სიტყვა ეძლევა თვით იუბილარს, რომელსაც საზოგადოება ხვდება მხურვალე ტაშით. ის დიდს მღელვარებას განიცდის და ერთხანს სდუმს. შემდეგ იწყებს თავის სიტყვას მრთოლვარე ხმით. მაგრამ მალე მოეშველება ჩვეულებრივი მისი მკურმეტყველობის ნიჟი და სიტყვას ბრწყინვალეთ ასრულებს.

ნ. მ.

### პარმენ გამყრელიძე

კიდევ ერთი მსხვერპლი ბოლშევიკების ჯალათობისა! წარსული წლის ოქტომბერში დაატუსაღეს პარმენ დავითის ძე გამყრელიძე. ხანგრძლივი და მძიმე მეტენის რეჟიმს მიემატა საოფლე და ამ წლის აპრილში სიცოცხლეს გამოესალმა.

პ. გამყრელიძეს ბევრი იცნობდნენ. ის ჯერ ბათუმის ქალაქის სამმართველოში მსახურებდა. შემდეგ იქვე ლომბარდის გამგეთ იყო არჩეული. ტფილისში დიდხანს იყო «ჩემოს» საზოგადოების საქმეთა გამგეთ, ვიდრე ბოლშევიკებმა არ გააუქმეს ეს საზოგადოება და თვით არ ჩაიგდეს ხელში მთელი ჭიათურის მარგანეცის საქმე.

პ. გამყრელიძე ბუნებით ნიჟიერი, გასაოცარი შრომის მოყვარე და ცოცხალი ადამიანი იყო. 1905 წ. ის იყო სოც.-დემოკრატული პარტიის წევრი. და რევოლუციის დღეებში მასაც ნახავდით თოფით ხელში. იყო ასეთი მომენტი: გამძვინვარებული სალდათები ქალაქის გამგეობის სახლში შეცვივდნენ და იქაურობა ერთიანად მიღწე-მოღეწეს. პარმენი და გრ. ვოლსკი (გამგეობის წევრი) კინლაშხიშტებზე ააცვეს. სალდათები თოფის კონდახით ცდილობდნენ რკინის კასის გატეხას. პარმენმა შეუყვარა: «რასა შვრებით, იქნება შიგ ბომბებია», და შეშინებულმა სალდათებმა უცებ მიანებეს თავი როდესაც გ. ლასხიშვილმა არჩილ ჯორჯაძე მძიმე ავადმყოფი ზამთარში ჩამოიყვანა ბათუმში, მაშინ პარმენმა დიდი მონაწილეობა მიიღო მის მოვლა-დაბინავების საქმეში. საიდუმლო ბინაზე, მახინჯაურში. უკანასკნელ დრომდე არჩილთან დაახლოებული იყო და სხვა მეგობრებთან ერთად ისიც დაესწრო არჩილის უკანასკნელ წუთებს სასტუმრო «ფრანცია»ში ბათუმში...

საკვირველია რომ ან ამდენ ხანს როგორ შეინახა თავი პარმენმა... იგი ბუნებით მებრძოლი ტემპერამენტის ადამიანი იყო, უშიშარი, შეუპოვარი, ადვილად არავის დაეჩაგრებოდა და სადაც შეეძლო, სხვასაც გამოექომაგებოდა. ასეთ ადამიანებს ჩვენ უკუღმართ ცხოვრების პირობებში თავისი ფასი აქვთ და თავის წრეში მუდმივ პროტესტის მოთავეებად გამოდიან და სხვებსაც ამხნევენ. ამიტომ წინდაწინვე განწირულნი არიან.

X